


ህድግ ርኢስ ኢሰያስ ምስል መሻርክት ሲምፖዝየም መሳብር ምህናት አፍሪቃ



ለአተርጓሚ አክደሙ።

እትለ መናሰበት፡ ርኢስ መነዘመት መሳብር ምህናት አፍሪቃ ሚስተር ፍራንሲስ አትዎሊ አህዳፍ መነዘመቱ ሐቀለ ሸርሐ፡ ሕክመት ኤረትሪየ ለቀደመተ ሓድር ተዋልል ሸቃለ ዐለም እብ ዓመት ወደግቡይ አርህዮተ ለትሸርሕ 11 ንቃዋ ለጸብጠት ወረቀት እግል ሐረከት ሸቃለ አፍሪቃ ቅወት ለትኸልቅ ክምተ ወደሐ።

አሚን ዓም ኮንፈደራልየት ሸቃለ ኤረትሪየ አሰይድ ተኸሰቱ ባይሬ ህዩ፡ እትሊ “አትሓያስ መሳብር ምህናት አፍሪቃ” እት ሐንቴለ ትብል ሰቅራት እት ዮም 23 ወ24 ፌብራሪ እት አሰመረ ለገአ እድንያይ ሲምፖዝየም መሳብር ምህናት አፍሪቃ፡ ምን 48 ደውለት ለመጸው መስኢሊን መሳብር፡ መሳብር ናይ ኩለ ቻይኑ፡ 3 መሕበር ኢጣልየ ወመሕበር ሸቃለ ትርክ ክም ሻረከው እት ለሐብር፡ ሓድር ተዋልል መናበረት እጅትማዕየት ወእቅትሳድ ሸቃለ አፍሪቃ ለወድሕ ክቱብ ክም ትቀደመ ወንቃሽ ክም ገአ እቱ አፍህመ።*****

ርኢስ ኢሰያስ አፍወርቂ እት ዮም 24 ፌብራሪ ምስል መስኢሊን መሳብር ሸቃለ አፍሪቃ ወወካይል ብዝሓም መሓር ሸቃለ ዐለም እት ቃዕት ኮንፈደራልየት ሸቃለ ኤረትሪየ እተ ወደዩ ህድግ፡ ሰያደት ወዐማር ድወል አፍሪቃ እግል ለአድምና፡ ሸቃለ ወመሳብርም ተረት ዛይደት እግል ለአግዱ ክም ወጅብ ሸርሐ።

እትሊ ሓድር ተዋልል ዐለም፡ እብ ሰብብ ዐባዩ ቅዋት ለልተበዓሁ ናይ ዐሚም ሰያሳት ተረት

መሳብር ሸቃለ አፍሪቃ ወዐለም ሐዋን ክም ዐለ ለሸርሐ ርኢስ ኢሰያስ፡ እት አፍሪቃ ወዐለም እግል ገባይል ለለክስብ ተቅዩር ሰኒ እግል ልምጸእ፡ መሳብር ሸቃለ ወብዕድ ናይ ገባይል ተጀምዕ እግል ልደቀብ ክምቡ አፍህመ።

እተ ህድግ፡ መስኢሊን መሳብር ሸቃለ አፍሪቃ ወወካይል መሳብር ሸቃለ ዐለም፡ ሳድፍ ለጸንሐ መታክል እግል ጋበሆት ንዳሎም ወወሕደቶም ክም

አሰመረ፡ ሰርገል ሲምፖዝየም አትሓያስ መነዘመት ውሕደት መሳብር ምህናት



እድንያይ ሲምፖዝየም መነዘመት ውሕደት መሳብር ምህናት አፍሪቃ፡ “አትሓያስ መሳብር ምህናት አፍሪቃ” እት ሐንቴለ ትብል ሰቅራት፡ ምን ዮም

23 አሰክ 24 ፌብራሪ እት ሆቴል አሰመረ ፓላስ ትሰርገሉ።

እተ ወዘረእ፡ ወቁላም ሰብ ሰልጠት ሕክመት ወጀብህት፡ መስኢሊን ወጠንያይ መሳብር፡ ሰፈረእ ወወካይል እት ኤረትሪየ

ለክድም እድንያይ መነዘማት ክምስልሁመ ዕዙማም እተ ሐድረው እተ፡ አሚን ዓም ኮንፈደራልየት ሸቃለ ኤረትሪየ አሰይድ ተኸሰቱ ባይሬ እት አሰመዐየ ከሊመት፡ መነዘመት ውሕደት ምህናት

መሳብር አፍሪቃ እግል ሕቁቅ ወመሳልሕ ሸቃለ ለናድል ክምቱ እት ሸርሐ፡ አሰክ እለ ሰርጉሉ ለህለ ወራታት ዐቢ ክምቱ፡ ምናተ፡ እብ መጅቡ ለልታክዩ ተሐድያት ክቡድ ክምቱ እንዴ አፍህመ፡ መሸተርክት አራእ መዐምራይ እግል ለሀብ ለቡተ ሰእየት ሸርሐ። ርኢስ መነዘመት ውሕደት

መስኢለት ወላድ አፍሪቃ ሸቃለ እብ መጅብ መስኢለት ሸቃለ ዐለም እግል ትትርኡ ለለክትሐዜ መዳሊት ወፍክር እግል ለሀሌ፡ ለሲምፖዝየም አህምሮቱ ዝያደት ክምተ ሐበረ።

እትሊ እግል ክልኤ ዮም ለለክተላሌ ሲምፖዝየም፡ አትሓያስ መትካም ወአደቀቦት መነዘመት ውሕደት ምህናት መሳብር አፍሪቃ፡



መሳብር ምህናት አፍሪቃ ሚስተር ፍራንሲስ አትዎሊ እብ ተረቱ፡ ዳፊያት ናይለ እት ሸቃለ ለጀሬ ዝልም ወበረ ምን ቃኑን ላቱ አግቡይ መዓመለት መነዘመቱ እብ መትሐሳር ክም ትናድል እሉ እት ሸርሐ፡ ህደፍ ናይለ ሲምፖዝየም ምስል እሊ ለልትሳንን ክምቱ ወደሐ።

መስኢለት ሸቃለ እድንያይት መስኢለት ክምተ ለሐበረ ወኪል ስክርቴር መነዘመት ውሕደት መሳብር ምህናት አፍሪቃ ሚስተር አርዝቂ መዝሁድ ህዩ እብ ተረቱ፡

ሐረከት አዳም ወአብካት ዐመል ላጅኢን፡ እድንያይ መታክል፡ አብካት ወአትመቃረሐት እግል አከዶት ሰላም ወመስከብት እት አፍሪቃ ለልብል መሓደራት ወህድግ እት ጠወርት አጀንደት 2015 ለመነዘመት፡ ተጃርብ ለትፈናተ ድወል ወመነዘማት እት ጋብሆት መታክል ሸቃለ፡ ክምስልሁመ ናይ ተእዩድ ለኣይክ ትቀደመ።

እምበል እሊ መሸተርክት፡ ወራታት ወተጠወር ኮንፈደራሽን ሸቃለ ኤረትሪየ ለሸርሕ ዕፌ ሰወር ረአው።

ከበር እስትሸሃድ

ስክርቴር ጀብህት ሸዕብየት እግል ደመቅራጥየት ወዐዳለት አቅሊም ግብለት ገዲም ሙናድል ኸሊፈ ኑርሕሴን፡ እብ ዐለ እቱ ሕማም እት ቀበት ዐድ ወኻርጅ ልትሳሬ ሐቀለ ጸንሐ፡ እት ዮም 22 ፌብራሪ እት እስብዳልየት መርከዝየት ኦሮተ አስተሸህደ።

እት ሰነት 1976 እት ቅዋት ሸዕብየት ተሕሪር ኤረትሪየ ለተሓበረ ሸሃድ ኸሊፈ፡ እተ ትዩመመ እቱ ውሕዳት እግል ሸዕቡ ወወጠኑ እብ መትሰባል ለክድመ መሔራባይ ቱ።

ሸሃድ ኸሊፈ በዓል ፈርዕ ወአብ 6 ወላድ ቱ፡ ዓደት ቀብሩ ህዩ ማሌ ዮም 24 ፌብራሪ ሰር አምዕል እት መቅበረት መሔርበት አሰመረ ገብአት።



ሀድየት እግል ዲብ እሕትፋል ዐመልየት ፈንቅል ለሻረከት ፍርቀት ዓዳት ሱዳን



እዳረት አቅሊም ቅብለት በሐር ቀየሕ እት እሕትፋል ዐመልየት ፈንቅል እግል ሻረከት ፍርቀት ዓዳት ሱዳን ሀድየት ሀበት፤

ዲብለ እት ፍንድቅ ፊድ ሲ ባጽዕ ለገብአት ዓደት፤ ርኢስ መጅል አቅሊም ቅብለት በሐር ቀየሕ አሰይድ ኢብራሂም ዐሊ ሼክ እብ ስሜት ሓክመት አቅሊም

አሰይድ ጽገሬደ ወልደገርጊስ ዲብለ ቀደመየ ከሊመት፤ ድቅብ ታሪካይት ዕላቀት ወሕውትነት ገባይል ኤረትርየ ወሱዳን እንዴ አሸራ፤ ለፍርቀት ዓዳት እበ አቅረቡ፤ ጽባዋ እግል እሕትፋልን ምን አግመለት ሐምዴሁ ሸርሐ፤

እግል ፍርቀት ዓዳት ሱዳን እንዴ ወክለ ከሊመት ለአሰመዐ እብ ጀሁቱ እበ ገአት እሎም ከብቴ

ወሕራብ ክምሰልሁመ በራምጆም እግል ልቀድሞ ለትከሰተ እሎም በክት እንዴ ሐመድ፤ ለዲብ ትጠወር ወትተረድ ትመጽእ ለህሌት ዕላቀት እግል ለአደቅቦ ክምሰል ሸቁ አከደ፤

ዲብ ደንገበ ለፍርቀት እብ ስሜት እዳረት አቅሊም ቅብለት በሐር ቀየሕ ሀድየት ተሀየበት፤

ዐመጺ፡ አከይ መቅሬሕ እብ ዕሬ ሰክብ

እት ዐመጺ ሙዲርየት በራኽ ፍንጌ ወላድ ዐድ ለዐለ አከይ መቅሬሕ እት የም 22 ፌብራሪ እትለ ገአት ዓደት እብ ዕሬ ሰክብ፤

ወክል ወዛረት ሕኩመት አቃሊም፤ ሚርሐት ደያናት፤ አንፋር መጅልስ ወሰካንለ ዐድ እትለ ሐድረው እት መናሰበት፤ ሓክም አቅሊም ምግብ ሚጀር ጀነራል ረመዳን ዐብማን አውልያይ እትለ አሰመዐየ ከሊመት፤ ሕርየት ፍሬ ወሕደት ወቃሊ እስትሸሃድ ክምተ ሐቀለ ሸርሐ፤ እሊ ሰዋልፍ እሊመ እት ብንየት ወጠን አሳሲ ምን ገአ መዋዋኒን እግል ልትሓፈዞ እቱ አትፋቀደ፤

ሙዲረት ሙዲርየት በራኽ አሰይድ ልኡል አሰራት እብ ተረተ፤ እብ ዐወል ቃሊ ለተአከደት ሰላም ወመቅርሕ እግል ልትሐፈዝ እንዴ አትፋቀደት፤ ሸዐብ እት ክሉ

ወራታቱ ለልክርእዩ ተአምርተ ጥወር ሰዋልፋ ክምቱ እንዴ ሐበረት፤ ስካን ዐመጺ እግል ወደወ ዕሬ ሐመደት፤

ሀለዮት አከይ መቅርሕ እት ፍንጌ ሙጅተመዓት ምን ቅዋት ጋና ለትወረሰ ክምቱ ለሐበረ ናይብ መስኡል ቀድያት ዲን አሰይድ አማኑኤል ተሰፋሁነይ እብ ጀሁቱ፤ ሸዐብ እግል እሊ እበ ተአስትህል እንዴ ፈሀመ እብ ወሕደት ወመቅርሕ ዐዱ እግል ልብጌ እንዴ ትፋን እግል ሳድፍ መቃክል ኖሰክ እብ ዕሬ አስከቦቱ ተአምርተ ጥወር ዐዋዲ ሸዐብ ኤረትርየ ክምቱ ወደሐ፤

ምን ስካን እት ሀበወ ረአይ፤ ፍንጌሆም ለትርኤት ኢመፋህመት እብ ሰላም እግል ለአስከብ ሕኩመት ለወዴቱ ጸገም ወለ ገአት እሎም ሰዳይት ሐመደው፤

ዐሱብ፡ አዋልድ አንሳት ለአጅተመዐ

መሕበር ወጠን አዋልድ አንሳት ኤረትርየ መትካም ሸባባት አዋልድ አንሳት እንዴ አደቀቡ፤ መሻረከተን ክም ትዘይድ እግል ልክደም፤ እት ዐሱብ እት ገአ እጅትማዕ ትሸረሐ፤

መስኡለት መሕበር ወጠን አዋልድ አንሳት ኤረትርየ እት አቅሊም ግብለት በሐር ቀየሕ አሰይድ ሰዐድየ ኢብራሂም ምሰል አዋልድ አንሳት እት ወዴቱ እጅትማዕ፤ ለመሕበር እት 7ይ ወዕላሁ ለሓለፈዩ ቀራራት ወፊናታት፤ ክምሰልሁመ እት ደሰቱር መሕበር ለገአ አትሳናይ እበ ኸሰሰ ሸርሕ ሐቀለ ሀበት፤ ለመሕበር እት ሰነት 1979 አህዳፍ ዋድሕ እንዴ ጸብጠ ክም ተአሰሰ

እሊ እግል ልትአከድ ህዬ ከድም ክም ህለ ወደሐት፤

እት ሰነት 2014 7ይ ወዕላሁ ለሰርገለ መሕበር ወጠን አዋልድ አንሳት ኤረትርየ ምን መርሐለት እት መርሐለት ሄራሩ እት ጌምም፤ ክምሰልሁመ ዐቦት መትካሙ እት ለአፈይሕ መጽእ ክም ህለ ለሐበረት አሰይድ ሰዐድየ፤ ለዐለ ጀዋንብ ፈዳብ እግል ልትሐፈዝ ወመሕዝቱ እግል ለአርሄ ህድግ ብዙሕ ክም ወደ እት ሸርሕ፤ እትሊ ወቅት እሊ እት ፈዓልየት ብጉስ ክም ህለ ሐበረት፤

ሸባባት አዋልድ አንሳት እት ሰይሰት ፈዛዐተን እንዴ አተረደየ

መሻረከተን እግል ለአከደ እት መሕበር እግል ልትካዘመ ወተዕሊም ሰደሲ እግል ልትሀየበን ክም ትቀረረ ህዬ ሸርሐት፤

እት ደንገበ አሰይድ ሰዐድየ፤ መሕበር ሀደፋ እግል ለአከድ ወእብ እቅትሳድ ለትጠወረት ዐድ እግል ብንየት፤ አዋልድ አንሳት ተረተን ወመሻረከተን እግል ለዓብየ ትወሴት።

ልኡክ ሱዳን ዲብ ኤረትርየ ዝያረት ወዴ

እት ኤረትርየ ዝያረት ሸቅል ወዴ ለህለ ሐሽም ልኡክ መሕበር ሙደርሲን ሱዳን፤ እት የም 19 ፌብራሪ እት መዲነት ባጽዕ ምሰል ለትፈናተው መስኡሊን እዳረት አቅሊም ቅብለት በሐር ቀየሕ ህድግ ወደ፤

ሙዲር ዓም ቅሰም ከደማት እጅትማዕየት ናይለ አቅሊም አሰይድ ተሰፋይ ተኽሌ ምሰል ሐሽምለ ልኡክ ለወደዩ ህድግ፤ ዝያረት ሐሽም ልኡክ መሕበር ሙደርሲን ሱዳን፤ ተአምርተ ናይለ እት ለትፈናተ መጃላት እት ትደቀብ ትመጽእ ለህሌት ዐላቀት ሐው ገባይል ኤረትርየ ወሱዳን ክምተ ሸርሐ፤

መስኡል ፈርዕ ወዛረት ተዕሊም አሰይድ ረሺድ መሐመድ ዐብማን እብ ተረቱ፤ ቴለል ተዕሊም ቀደም ወሐቀ ሕርየት እት አቅሊም ቅብለት በሐር ቀየሕ ለኸሰሰ ተውዴሕ ሐቀለ ሀብ፤ ዝያረት ናይለ ሐሽም መሕበር ሙደርሲን እት መትባዳል ተጃርብ ተረት ዛይደት ክምቡ ሐበረ፤

ርኢስ ፈደሬሽን ሸቃለ መጃል

ተዕሊም ሱዳን አሰይድ ዐባስ መሐመድ እብ ተረቱ፤ ቴለል ከደማት ተዕሊም ዲብ ኤረትርየ፤ ጅሀድ ወመትሐሳር ሕኩመት ኤረትርየ ለሸርሕ ክምቱ ዲብ ለሐብር፤ ዐመልየት ምህሮ እግል ዐባዩ ባጽሐተ ለህሌት ደርረጀት ሐመደ፤

ሐቀለ ህድግ አሰይድ ዐባስ መሐመድ እግል ኤሪን እት ሀበየ ሐብሬ፤ እት ኤረትርየ ወደወ ለህለው ዝያረት፤ ተጃርብ እግል ልትከሰብ ወእት ፍንጌ ወጠንያይ ኮንፈደሬሽን ሸቃለ ኤረትርየ ወመሕበር ሰብ-ምህነት ሱዳን ለህሌት ዐላቀት እግል አደቀቦት ለአመመት ክምተ ወደሐ፤

መስኡል ሸኡን ተንዝሚ ኮንፈደሬልየት ሸቃለ ኤረትርየ አሰይድ ሓምድ ኢብራሂም ህዬ፤ ዐላቀት ሰብ-ምህነት መሓብር ኤረትርየ ወሱዳን አሳሰ ትሩድ ክምበ እት ሸርሕ፤ ለዝያረት እግል ፈዓልየት ናይለ ቀደም እሊ ለትበጸሐት እትፋቅየት ለትሰዴ ክምተ ሐበረ፤

ለሐሽም እት መዲነት ባጽዕ እት

በጽሐ እቱ፤ ናዴ ሙደርሲን ናይለ መዲነት፤ ታሪክያይ መስጅድ አሰሓበ ወሐማል አንሳፊ፤ ክምሰልሁመ እብ መናሰበት ዝክረት ዐመልየት ፈንቅል ለትዳለ ዕሬ ሰወር ረአ፤

ሐሽም ልኡክ መሕበር ሙደርሲን ሱዳን፤ እት የም 18 ፌብራሪ እት አሰመረ ምሰል መስኡሊን ወጠንያይ ኮምፈደሬሽን ሸቃለ ወመሕበር ሙደርሲን ኤረትርየ ሕድ ለሸብህ ህድግ ክም ወደ ልትአመር፤

እት የም 17 ፌብራሪ እብ ገበይ ሰነይ እት ኤርትርየ ለአተ ሐሽም ልኡክ መሕበር ሙደርሲን ሱዳን፤ እት ኮንፈደሬሽን ሸቃለ ኤረትርየ ዲብ የም 23 ፌብራሪ ለሰርግሉ እድንያይ ሲምፖዝዩም ሰብ-ምህነት መሓብር አፍሪቃ 38 እጅትማዕ መጅልስ መርከዝ መዝመት ወሕደት ምህነት መሓብር አፍሪቃ እግል ልሻርክ ክምቱ ተአመረ፤

ኤረትርየ ዐጽዳኽ

ክል አርቡዕ ለትጠ'በዕ ጀሪደት

መዳልያይ፡

መሐመድ እድረስ መሐመድ

ናይብ መዳልያይ፡

ኣድም ሳልሕ (አቡሐሪሽ)

ለይ-አውት፡

ፋጥና ኣደም

ተለፎን፡ 121797

ፋክስ፡ 127749፡ ዕ.ሲ.ቡ፡ 247

ተውዝዕ ጀሪደት፡

ተለፎን፡ 200454

ኣትአመሮት፡

ተለፎን፡ 125013፡ ዕ.ሲ.ቡ፡ 1284

E-Mail: tigreit@zena.gov.er

ቀወሺ ምዴርያት ቅብለት በሐር ቀየሕ እት ዝክረት ፈንቅል



ምን ፊመ ጠረፍ ቅብለት ለህሌት ቅርረ እንዴ አስተብደዩ፡ አስክለ ግብለታይ ጠረፍ ናይላ አቅሊም ምዴርያት ገልዕሎ ለህለ ምድር ኩሉ እብ ምዴርያት ምዴርያቱ፡ እግል አግመሎት 25ይት ዝክረት ዐመልየት ፈንቅል ኩሉ ለእሉ በን አላት ዐዋዲ ወመናበረተን፡ ዓዓት ፈን ወንዳቅ አብያተን እንዴ ጽብጠዩ፡ እት ጥዋሎት ሐረት ቀወሺ እንዴ ተህየቡተን ዕፌህን ቀድመ አስመነዩ።

ለጅግራታት እት መናበረት ወዐፍሽ፡ ዓዓት-ክምሰልሁመ መዕረድ ለረከዘ እት ገብእ፡ ኩሎም መመቅረሐትለ ምዴርያት ምን ገብእ ወእበ ሽቅል ቃንጸም ለዐለው ወካይል ምዴርያት ኩሎም እብ መትሐሳር ወሽዑር ጅግረ ለሽቀው ዲቡ ዐለ።

ምዴርያት ነቅፊ፡

ምዴርያት ነቅፊ ማጽአት እቡ ለዐለት አሸየእ እትሊ ወክድ ጎነ ለምዴርያት ፈድል ሕርየት ባጽሐቱ ለህሌት ተጠውራት ክም ወሳይቅ ተዕሊም፡ ዓፍየት፡ እትሳላት፡ መዋሰላት፡ ሐርሱ፡ ክዳማት ማይ ወብዕድ እት ገብእ፡ እት በቅሉ፡ እንድላል፡ ማሬት፡ ነቅፊ፡ መዋ፡ አግረዕ ወላበ ብኩይ ለህለ ከዛናት ማይ፡ መሕገዝ ማይ ሲቶ ንዋይ ወአዳምለ ምዴርያት እግሉ ሐል ሰበት አምጸኡ፡ ለምዴርያት ለትትሐ'መድ ዲቡ ወቀይ ረህየት ወዐማር ቱ። እምበልሁመ ምን ሰወር ክም ድፍዓት፡ መሳክብ ወመካትብ ሰውረት፡ ገደድል አጽዋር አባይ፡ ምስል ሹህደእ ድፋን ለጸንሐ ዐፍሽ፡ ገዲም ወሐዲስ ዐፍሽ-ቤት፡ ጽዋር ቀዳም፡ አድ'ረሐት ወአሳር፡ አላት ሕክምነ ወብዕድ

ገሌ ምን ምዴርያት እት መዕረድ ቅድምቱ ለዐለት አሸየእ ቱ።

ምዴርያት ፎር፡



ምዴርያት ፎር 2972 ኪሎምትር መረበዕ ርሕብ ለቤ እት 15 ዳሕያት ለልትክምከም 40 አልፍ ሽዑብ ለኑብረ ምዴርያት እት ገብእ፡ አርበዕ መርከዝ ዓፍየት፡ 33 መዳርሱ፡ ክዳማት እትሳላት፡ ክዳማት ማይ ወመዋሰላት ለቤ እስትራተጅያይት ገበይ ደምሒና-ፎር እብ ምግበ ለትሐ'ልፍ፡ ምን ሒዋናት ከደን እት አፍሪቀ እምበል እት ኤረትርየ ክም ኢህለ ለልትህደግ ጅንስ አድግ ከደን ለትመ'ልክ፡ ሽወክን፡ አስጉን፡ ማይ ወዑይ ወተን ኢረፋይሌ፡ ሽክል አድብር ብርካን፡ እት መደት ወራራት አሉላ ዳፍዖ እቱ ለዐለው ምድር ምዝግብ ክልኤ ፋዋማ፡ ቀዳም አሳር አደሚ ለብእተ ወአዚ ብሐስ ወታያን

ወአሰወድ (ማላዛናይ) ለበቅል እት ምዴርያት ቱ።

ምዴርያት ቅርረ፡

ምዴርያት ቅርረ ለበዝሐ

ደገጊት ሰውረት ወመካትብ ለዐለ እቱ ምድር ታሪክ እት ገብእ፡ ገበይ ሕሸክብ፡ መዐሳክር ወጀቤ፡ ሕክምነ ዐምበርብብ፡ ጋድጥታት አውጌት፡ ገበይ ብደሆ፡ መድረስት ሰውረት፡ አድብር ደምቦብየት ወዐጋመት ለብእተ ታሪካይት ምዴርያት ቱ። ሽዐበ መንበረት ሰብክ ወስግም ለላምድ ሰብ ሐርስ ወርዕዮ ቱ። ምን ፍሬ ሕርየት ላቱ መዳርሱ፡ ዕያዳት፡ ማይ ወአግቡይ ህታመ ሐዙተ ናስአት ህሌት።

ምዴርያት ግንደዕ

ምዴርያት ግንደዕ 20,026 ኪሎ ምትር መረበዕ ርሕብ ምድር ለትመልክ፡ ምን ቀላቅል አስክ አውለት ለልትመደድ ምድር ለቤ ክልኤ ብልሰት


17 ዳሕየት ዲበን ለትትሐየብ ምዴርያት ቱ። ምን አውለት ወስሕል እበ ትረክበ ዝላም ህዩ እግል ሐርስ ሰኔት ሰበት ቱ፡ ጀራዲንመ ሰኔ ልትሐረስ እተ። መዕደኒ፡ አብሎ፡ ሕማር፡ ረስየት ወአንሐሰ ለወዴ ሽዑብ ለኑብረ፡ ድመን ገምሆት ወዓይለት፡ መሪር ሕሩባት ጀ'ለ ሕርየት ለገብእ እቱ ድፍዓት አባይ ወሰውረት ወገራጅ ፍልፍል ለብዲቤ አሳር ታሪክ ብዙሕ ለትሐቅፍ፡ እት ገበይ አስመራባጽዕ ምነ ህለየ መዳይን ለገደመት ወለትጠወረት ብንየት ትሕትየት ለብዲቤ፡ እግለ ፈግረ ወትክረ ሒልፋይ ገበይ ዕንታቱ ለትሳሬ ከዳረት ወግርመት ጠቢዐት ለኢትትፈንተየ ለሒስ ክዳማት እጅትማዕየት ራክበት ለህሌት ምዴርያት ቱ።

ምዴርያት ደህላክ፡

እብ ኩሉ እንክራተ እብ በሐር ለትክለለት ለትፈንቴት መንበረት በሐር ለትሓልፍ ምዴርያት ቱ። እምበል ምሽክለት ማይ ሽዐበ ምን ሐበት ለኢሸኬ፡ ደህላክ ከቢር፡ ጀምሂሌ፡ ደርቡሸት፡ ኑረ ወደሴ ለልትህል ጀዛይር ለትክምከም ቅያስ 5000 ነሰመት ለኑብራሁ፡ ክም አሳር እስትዕማር ጥልያን፡ እንግሊዝ ወአቶብዩ ለልኦርኤ አስለሕ ገዲም፡ ምን ሰኒን ቅዱም ትትሰከን ክም ነብረት ለልሐብር አሳር መሳግድ ቀዳም፡ እት ክል ምዕል ሰነት ሐቱህን ትትሰቱ ትኑብር ለዐለት 360 ዔሌ፡ ቀዳሚት ክታበት ኩፊ እት ብለቅ፡ 800 ሰነት ለወደ መስግድ፡ ትግሬ፡ ዐፋር ወረሻይደ ለኑብራሁ፡ መዳርሱ ወዕያዳት ለበ ምዴርያት ቱ።

ገጽ 4 ልተላሌ.....





ሽዑብ ሽዑብት ሐርሰ ወናይ መስተቅበል መስኖ!

၁၂၉

ወሐይሳት ቁርኣት ጀሪደት

ኤሪትሮፒ ሐዳስ፡ እኑ የም 21 የናይሮ ለፈግረት
ጀሪደት ኤሪትሮፒ ሐዳስ እብ ክሱስ ሐርስ እት ምዴርየት
ሸዕብ ሚ ክም መሰል ሳልፋይ ክፈሉ ቅዱማም እግልኩም ክምሰል
ዐልነ ለልትአመር ቱ። ምናተ እብ ሰቡብ ዓያድ ህይ ለካልኣይ ክፈሉ
እንዴ ይእንቀድም እግልኩም አሰክ እለ ጸንሓም ሰቡት ዐልነ፡ ዐፋነ እት
እንብል የም ካልኣይ ወናይ ደንጎበ ክፈሉ እንቀድም እግልኩም።
ሸዕብ ምነ እት ረወራት ዐድነ ለትዘልም ዝላም ወህተ ለትሰብቡ
ወሓይዝ እንዴ አብረደየ እት መንፈዐት ኖስ ለልአውዕለ ወእብ
ሐርስ ጀሪፋት ለልትአመር ሐቱ ምን ዐይታትነ ተ።

እሊ መኛል እሊ፡ እቲ እንዲ ኦቴት እግል ትትነፈሶ ምኑ ምን ተአነብት ሐድ110 ሰነት እድውርት ክም ሀሌት እት ልትአመር፡ እሊ ሀይ ምን ወክድ እት ወክድ እት ልትጠወር ወልትቀደም መጽእ ለህላ ብስር ክምቲ ርእያም ዐልነ፡ እምበል እሊመ እግል ኣሊ መኛል እሊ ለትአትመቃርሕ ለጅነት ሐርስ ክም ሀሌት ቃርኣም ዐልነ፡ ዮም ሀይ ናይ ደንጎበ ክፈሉ ልተላሌ።

እትሊ ወክድ እሊ፡ ለመሐበር እብ ሰቡዕ ልጅነት ለልትመረሐ ጋብእ ህሉ፡ እሊ መሐበር እሊ፡ እት መጃል ሐርስ ወምስል ሐርስ ለመጽእ መታክል እግሉ ለባልሕ ቱ፡ ብዝሐ ኣንፋሩም ምን ወክድ

እት ወክድ እት በዝሒ ወልትቀደሞ መጽኢ ህለው።

ለበዝሐ እትሊ ድዋር እሊ ለነብር ገቢል፡ እት ሐርስ ለተንከበ እት ገብእ፡ እሊ ህዬ ለ80% ምን ብዝሐል ሰካን እት ጸብጥ 20% ህዬ እብ ሐርስ ወርዕዮ ለልትነብት ቱ፡ ገሌ ሕዳም ህዬ እት ትሻሸት ለከድጥ ቶም።

ምን ዘበን ቅዱም እትሊ ድዋር
እሊ፡ እት ልትዘረእ ለጸንሐን
አዝርሓት፡ ማሸሌ ወገሌ እክል
ብዕድ እብ ቅያስ ሑድ ልትዘረእ
ኑበረ፡ አዜ ላኪን እበ ጉበእ ለሀላ
በሐሰ ወሕፍዝ-ሐርሰ ማሸላመ
እግል ኖሱ እት ብዞሕ ጅንሰ
ልትካፈል።

ማሸላ እት ሕጄራቶትርጉ፡
ሸዕብ ወላብ ክምስልሁመ ብልቱብ
ዕፋን ምን እክል እት ገብእ፡ ምን
ቅርጡጥመ ክም ኣደንገል ለመስል፡
ምን ሐመሊት ድ'ቡጎሶ- በርበሬ፡
ጠማጥም፡ብርጨቅ፡ባምዊት፡መለዛኖ፡
ሻማም ምነ እብ ሐረሱቶት ሸዕብ
ለልትዘረእ ወለበቅል ኣዝርኣት
ቲ።

ምናተ ሐረሰቶት ምን ማገኘላ ቶትርን እግል ልሐረሶ ወልዝርኦ ሰበት ሐረው፡ ውሳረት ሐርስመ ምን ሐረሰቶት እ'በ ረክበወ ሐብሬ ወለወደዉ በሐሰ፡ እሊ ጅንስ እሊ፡ እብ ቀሊሉ እብ ባልዒን ወጽምእ ለልትደመዕ ሰበት ኢኩን፡ እንዴ አተፈቀው እቱ፡ሉብዝሐው ሐረሰቶት እግሉ ዘርኦ ልትረከቡ። አምበል እሊመ እትሊ ወክድ እሊ፡ እብ በሐሰ ክምሰለ እኩድ ህሊ፡ እት ሸዕብ ግጥን ወፉል ሱዳኒ እንዴ በቅለ እተይ ሰኒ እግል ለሀብ ለቀድር እት እንቱ ርኩብ ሰበት ህሊ፡ እት ናይ መስተቅበል አግቡይ ሐርሰለ ድዋር እግል በደሎት ወእተይ ብርኩት እግል ርክበት በራምጅ ጽቡጥ ህሊ።

ሽዑብ ጨበለ እግል ጀራዲን ሰኒ ሰበት ቱ፡ ሽዑብ ምን ሐርሰ ሐን ወሕዳድ እት ክል ሐን መፍርየት እግል ልግብኡ፡ ጀራዲ እግል ልንሰኦ ወልክደሞ እዳረትለ ምዴርየት

አትፋዝያት ወዴ ትትርኤ። ለበቤት ምሽክለት እሊ ገበሏ እሊ። ምን ወርሕ ማየ ሰበት ሳግሞ እት መጃል ሐርስ ምን ገብእ ውበዕድ ክዳማት እጅትማዕየት ክምሰለ ልትሐዜ ውጡያም ኢኮን። ሰበት እሊ እግል ልትነፍያ ወአርዛቅ ጨብለቶም እግል ልርከቦ ገብአው ምንገብእ። እግል ልሰቡቶም ክም ቦም እዳረት ምዴርየ ሸዕብ እብ ትሉሉይ ለትአትፋቅዳ ጋርቱ።

መሐበር ሐረሰቶት ሽዕብ በዲር ለጸንሐ ወጹብ ልጁን ልትመቃረሕ ለዐለ እት ገብእ እት ሰነት 2004 ሐኩሙት እት መሸከፊ ወሓይዝ ንዛም ሐቆለ ወዴት እግሉ ወፕሮጀክት ትዳሌት፡ ምን ሐዲስ እንዴ ትነዝመ ክም መሐበር ቀዋኒን ለቡ ወማርሐት ለመልክ ገብሏ። እብ ኣሳስ እሊ ሀዩ፡ ኣንፋሩ እትሊ ወክድ እሊ፡ 4700 ባጽሕ ልትረከብ። ምን እሎም ለ490 ኣንሳት እት ገብሏ፡ ገሌ ምነን ለትሳርሐየ መናድሳት ተን። እሎም ኣንፋር እሎም እግል ልሕርሱ ለቀድሮ ኣርድ 3500 ሄክታር ዐላ፡ ምን እሊ ኣርድ እሊ የም ዓመት 5781 ማሺላ፡ 25000 ዕፉን 258 ሄክታር ብልቲብ 12 ሄክታር ሀዩ ለትፈናተ ሐመሊት ዝረእ ሀላ።

ሐረሰቶች ለሽኩ ምኑ ሓጃት

ምን ለህሊ፡ ኢህአዮ-ት ዘርእ ወጂብ
፡ብራይ አፋ-ት ሐርሱትራክትራት
ወዶዘራት ገሌ ምኑ ቱ። እሊ ህዬ
እት ሐይት ወሐርስላ ድዋር ተአሲሩ
በቢ ሰበት ገብአ፡ ሕኩመት እትሊ
ለትበህላ ሓጃት እህትማም በቢ
እግል ተህቡ ወጅቡ። መሐበርመ
እግል ሕኩመት እንዴ ኢልትጸበር
እብ ናዩ መቅደረት ምን ለሐውን
ዶዘር እግል ልተውብ ህላ እግሉ።

የም ዓመት ከረም -ረወራት ቅዝር ሰበት ዐለት፡አት ሸዕብመ ተአሲር ዐቢ ዋደየት ህሌት፡ ምድረ ሰበት ሰተ ወጸግብ ለትዘረአት እክለት እንዴ ወልደት ራውየት ወገሸዐት ሰበት ህሌት፡አተይ ሰኒ እግል ተሀብ ሐርሱቶት እብ ሰአየት ወፈርሐት ልትጸቦረ ህለው።

እሊ ናይ ሞም ዓመት ሐርሲ፡
ላመ እግል ልብልቡ ወልክብድዩ
ለወጠነ አንበጠ እንዴ ኢልትፈረር
እብ ሰዳይት ሰራይ ሰበት ትረሽሽ፡
እት እክሎም ደረር ኢሰበበ።
ሰበት እሊ፡ ሞም ዓመት ለቀደም
20 ሰነት ለፀል እተይ ብርኩት
ለትኣትፋቅድ ሰነት እግል ትግበእ
ክም ቀድሮ ወግም ህለ።

ምኖተ ሐረስታይ አስከ እክላዩ
ወሰዐራዩ የአከበ እት ረአስ ቀሪሙ
እግል ልብጠር ህለ እግሉ፡ ሐርስ
ክል ዶል እት ረአሱ ኢበጠርከ
ምንገብእ እግል ልእቴ ወእተይ ሰኒ

ምን ገጽ 3
ልተላሌ

ምዕርዮት አድብሐ።

እት ፍንጌ ነቅፈ ውቅሮረ ለህሌት ምዴርየት ድጌ ሰውረት ተ። ሕዳረብ ወትግሬ ነብራህ። ሐቆ ሕርየት እት ድሪት መርከዝለ ምዴርየት ክም ትብኑ መዳርሰ ወዕያደት ክምሰልሁመ ማይ ኒክበት። እት ሰነት 1969 ቅያደት ሰውረት ኤረትርየ እጅትመዕ ኣዶብሐ ለወዴት እተ፡ ኣግቡይ ሕሽክብ፡ መዐት ወሸኽኦሌት፡ ገራጅ ህምቦል፡ ወርሸት ጸራብ ሐጺን፡ ዕያደት ምግባይት ዐፈርብ ወሂታሮ፡ መካዝን ስለሕ ሰውረት፡ ሀይኣት ተድራብ ለዐለው እቱ ድበን ዮመቱ እብ ዋዴሕ ለልትረኤ ዲበ ምዴርየት ተ። ምናተ እሊ ኣሳር ሰውረት ዮመቱ ጠቢዐት ወኣዳም ምሰል ሰበት ኣረበዎ እት ሰሪት ገጹ ክም ሀለ ኣሰይድ መሐመድ እብራሂም ፈግህ ወኣሰይዶ ኣወ እድረሰ ሐሰን ምን ሰነንለ ምዴርየት ሸርሐው እግልነ። ህቶም እሊ ኣሰር ሰውረት ምን ሰነት እት ሰነት እብ ወኣይዝ፡ ዝላም፡ ወለውል፡ ንዋይ ወኣዳም ከርብ ሰበት ሀለ፡ እብለ ኣለቱ ኣዘምነ ምኑ ምን ገብእ፡ ሐቆ ሰናታት ሑዳይ ምክራዩ እግል ትትቀዌ ክም ቀድሮ ወድሖ።

ምዴርየት ገልፀሎ፡

ምዴርየት ገልፀሎ እብ ሐርሱ፤
 ርዕዮ ወትጃረት ለልትናበሮ ሰካን
 ለበ እት ገብእ፡ ቀምያት ዐፈር
 ወሳሆ ለበዝሐ እተ ምዴርየት ተ።
 ክም ሕሊል ዒንደሊ ለመስል እት
 በደ ለልዐይር ሕሊል ወጋድሞታት
 ወንገቦ እግል ሐርስ ለሐሰ ምድርለ
 ምዴርየት ተ። ምን ሔዋናት ከደን
 አሰጉን፡ አዱግ ከደን ወአራባት
 ነብረ። አዜ ወራታት ታያን ገብእ
 እተ ለሀለ ወአሰክ እለ ሚልዮን

ለነት ለዕምረ ደምቀት አደሚ
ለትረከበት ዲበ ታሪካይት ድብነት
አሳር ቡዩ ወእት ለነት 1970
አወላይ ወካልኦይ እትጅሃት ቅዋት
ተሕሪር ሸዕብዩ ለሐብረው እተ
ሲሞቲ ውበዕድ ታሪካይ አካናት
ለብእተ ምዴርየት ተ።

ምዕርዮት አፍቀበት፡

ለዐቤት ዐመልየት ናደው እት ሰነት 1988 ለትደመረት ዲቤ ክም አናግድ፡ መድረሰት ንዛም ሀይሌስላሴ እት ናሮ፡ ድፍፃት

አትራክ ወጥልያን ክብክብ፤
አድረሐት ዐድ ሼክ ወዐድ
ትማርያም ለብእተ አውልዩ
ብዝሕት ትነብረ ለዐለት አርደት
ታሪክ ተ። ሐላይል ለብከ ወጥጎ
ለከዩዩ ዮመቲ እብ ሐርስ ጀራዲን
ረሐ ለከርዐት ምዴርየት ተ።
መዳርስ ብዙሕ፡ ዕያዳት፡ ክጡጥ
መጥሰላት፡ ክዳማት ማይ ወእትሳል
ለበጽሐዩ እት ዐቦት ትሄርር ለህሌት
ምዴርየት ተ። ሸዐበ እብ ርዕዮ፡
ሐርስ ወትጃረት ልትናበር።

ምዕርዮት ሽዑብ።

ምዲርየት ሸዕብ እት ሰኒን ቅዱም ብሴስዩን ለልትብሀለ ውላድ ዐረብ እት ቀበት መጅተመዕ ትግሬ ነቡረ ለዐለው አርደት እት ገብኦ፡ እብ ሐርስ ዐግምት ጥወር ለትትአመር፡ እብ ውሓይዝ ሌጠ ለትትዘረኦ አርደአት ተ። ሐላይል ላብ ወማይ-ኡሌ ለዐበወ ሙዛትላ ምዲርየት ቶም። እት ሸዕብ ድረ (ማሼለ) ለአግደ እተይ ተ። እት ሰነት 1988፡ አርወሐት 400 ኡብርየኦ ለነስኦት ጀሪመት ጓዛም ደርግ፡ ዮመቱ እግል ዝክረተ እት ሸዕብ ተምሳል ብተይ እሉም ሀለ፡ መሳኻብ ሰውረት ብዙሕመ ብዳቡ።

ምዕርየት ባጽዑ።

እት ለዋው በሐር ቀየሕ ለህሌት ምዴርየት እት ገብእ፡ ለገደመ ታሪክ ምስል ደያናት ለቤ፡ ክም መስግድ አሰሓቤ፡ አሳር አትራክ፡ ጥልያን ወእንግሊዝ ምኑ ለምልእት፡ ለበቤት ወሕርየት ለአትሻፈገት ዐመልየት ፈንቅል ለገአት እተ፡ ስካነ እብ ተጃረት ወጀለቦት ዓሳ ለልትናበሮ፡ “እብ ጀውሀረት በሐር ቀየሕ” ለትትአ”መር መዲነት ተ። ለናይ ዘበን ቅዱም አሳረ ምን ገብእ ወግርመት መግኒህ አስክ እሊ ሃድል የም ብዝሓም ለልአትፈክር ተ።





ምሔርባይ ሙናድል ሚጀር ጀነራል አሕመድ ዑመር መሐመድ (ካካይ) ምንቱ



ህዬ ዲብ ሰነት 1967 ዲብል ዐበ እቱ ድዋራት ዲብ ደገጊት ብዙሕ ጀራ ለዐለ ጀራም ቀትል ወዘማቱ ምን ረኣ። ቅብላት እስትዕማር እግል ልናድል ትቀሰቡ። እብሊ ህዬ ወድ 19 ሰነት እት እንቱ ዲብ ጀብህት ተሕሪር ኤረትርዮ ትዝመ። ዲብ ዐዱ እንዴ ገብአ ህዬ ምስል ሙናድሊን እግል ልትዓወን አምበተ። እንዴ ኢለአረይም ህዬ ዲብ ወሬሕ 6/1968 ዲብ መንጠቀት አራብዐ ናይ ጀብህት ተሕሪር ኤረትርዮ እንዴ አልተሐቀ። ዲብ ዐገምብሰተ ተድራብ ዐሰከሪ ነሰኣ። ምስል ተክዊን ቅወት መውሕደት፡ ምሔርባይ አሕመድ ዲብ ሰርዮት ረመዳን ትሬ እንዴ ትረተብ ናድል ሐቆለ ጸንሐ፡ ቅዋት ሽዕብዮት

ሸቀ ዲብ ሰነት 1975 ኮሚሳር ጀሃዝ ተሰሌሕ ቅዋት ሽዕብዮት ገብኦ። አሰክ ሰነት 1977 እብሊ መስኡልዮት እለ እት ሸቄ ህዬ፡ ዲብ ዩናይት 1977 መስኡል ጀሃዝ ተሰሌሕ (ኤምዳድ) እንዴ ገብአ ትዩመመ። ምሔርባይ አሕመድ ካካይ፡ እግል ሴዕ ሰነት መስኡል ጀሃዝ ተሰሌሕ ጀብህት ሽዕብዮት እንዴ ገብአ ሸቄ እቱ ለዐለ አውካድ። ዲብ ዐቦት ወተጠውር ናይለ ጀሃዝ ዶር ዐቢ ለአግደ መስኡልቱ። ሐቆ እለ። ዲብ ሰነት 1986 ምን ጀሃዝ ተሰሌሕ ዲብ ጀሃዝ እዳረት ሸዕብ እግል ሐቱ ሰነት እንዴ ከድመ ህዬ፡ ዲብ ወርሕ 8/1987 ዲብ ጄሽ ሕራብት እንዴ ትቀየረ ዲብ ክፈል ጄሽ 70 ኮሚሳር ክፈል ጄሽ ገብኦ። ምሔርባይ አሕመድ ዲብ ክፈል ጄሽ 70 ሰለሰ ሰነት ሐቆለ ክፈል፡ ዲብ ሰነት 1990 እብሊ መስኡልዮት እለ አሰክ ክፈል ጄሽ 96 ትቀየረ። አሰክ

ዐመልዮት 4፡ ምን 2002 አሰክ 2004 ቃእድ ዐመልዮት መንጠቀት 3 እንዴ ገብኦ ከድመ። ምን 2004 አሰክ ወክድ እስትሸሃዱ ህዬ መስኡል አርካን ሰለሕ ውዛረት ድፈዕ እንዴ ገብኦ እብ መትሰባል እት ክድም ጸንሐ። ሽዕሂድ ሙናድል ሚጀር ጀነራል አሕመድ ዑመር (ካካይ) ዲብ ክሉ ለትዩመመ እቱ ወራታት ወጠን ወሽዑብ ለአርፈዐዮት መስኡልዮት እብ ዛይድ መትሰባል ወበቃዐት እት ክድም፡ ዲብ ንዳል እግል ሕርዮት ወብእኦ ወጠን እብ ዓመት ዲብ አፍዮሐት ወጠወርት ወራታት ዐቂብ ሰለሕ ህዬ እብ ፍንቱይ ዶር ዐቢ ለአግደ ምሔርባይ ቱ። ሽሂድ ሙናድል ሚጀር ጀነራል አሕመድ ዑመር (ካካይ) ዲብ ናይ ሰልፍ ታሪክ ንዳሉ በህለት ዲብ ሰነት 1969 ዲብ ኩመይሌ፡ ሐሽሻይ፡ ሐልሐል ዲብሊ ገብኦ



1978 ዲብ ነቅፈ 2ይ ደውረት ፈልሰፈት ስዮሰት ነሰኦ እት ህለ። ዲብ ሰነት 1985መ ዲብ አራግ ተድራብ ዕሉም ዕሰክርዮት ወክራጠት ደርሱ። ሽሂድ ሙናድል ሚጀር ጀነራል አሕመድ ዑመር (ካካይ) በዐል ጼወ ወክብ ሐቱ ወለት ቱ።

ሙናድል አሕመድ እብ ወጠኒያይ ወናይ ምህነት ተረቱ ሌጠ እንዴ ኢገብኦ ክምስል ፈርድ እብ ኢንሳንያይ ጠባይዑመ ፍቱይ ነፈርቱ ለዐለ። ምስል ዐቢ ልግበኦ ወንኡሽ እብ ቀላል እግል ልትፋህም ለቀድር ምሔርባይ አሕመድ፡ ዕሽር ወርሐም ሰበት ዐለ እብ መልሂቱ ወመሻቂቱ ሕሙድ ወክቡት ቱ።

ታምም ዕምሩ እብ ውቁል ኤማን ወስሙድ ጀላብ ወጠን ወሽዑብ እንዴ ሰበል ለናደለ ምሔርባይ አሕመድ፡ ዲብ እለ ቅሩብ ወክድ እበ ሳደፈዩ ሕማም ዲብ ቀበት ዐድ ወሱዳን ልትዓለጅ ሐቆለ ጸንሐ። ዲብ ጽብሕ ምድር ናይ ዮም 14 ፌብራይር 2015 ዲብ ደውለት ሱዳን ዲብ እስብዳልዮት ትረሐመ። ዮም 18/02/2015 ህዬ ዲብ አሰመረ መቅበረት ሹህደ እብ ሕሽመት አሰክ ቤት አማኑ ትሳረሐ።

ታምም ዕምሩ እግል ሕርዮት ወዐቦት ወጠኑ ለሰበል ገዳም ሙናድል አሕመድ “ትወፈ” ለልብል ክበር ልትሰመዕ እት ህለ። እግል ሽዕብ ወደውለት ክሳር ዐባይ ምን ገብኦ ለለግሄ ምንማቱ። ሽሂድ ሙናድል ሚጀር ጀነራል አሕመድ ዑመር (ካካይ) ሳኪን። ዲብሊ ተህዩበዩ ዕምር ዲብ መሸንገል ሽዕብ ወጠን ቅሩን ለዐለ መዝም እስትዕማር ዲብ ባለሐት፡ መንገኡት ረህዮት ዲብ አርሐዮት ኣብ ክለ ሐሊቱ እግል ወጠኑ ወሽዑብ እንዴ ትሰበል ስርጉል ወቀይ እንዴ ሸቀ ወጠኒያይ ዋጅቡ እብ ተማሙ ለአትመመ ሙዋዋን ምን ገብኦ፡ እግል ብዙሕ ለአውቀ ወለኡንተጀ እቱ ሄራር ሐዶቱ እብ ሐበን ወሕሽመት ዲብ ገዝከር እንሳርሐ ህለ።

ሕክመት ኤረትርዮ እብ እስትሸሃድ ገዳም ወስቡል ምሔርባይ ሙናድል ሚጀር ጀነራል አሕመድ ዑመር (ካካይ) ለትሰመዐዩ ሐዘን መሪር ዲብ ሸርሕ እግል ዓይሉቱ ወክሉ ሽዕብ ኤረትርዮ “ኤማን ለሀበኩም!” ትብል።

ዝከር ዲመ እግል ሸህዳን ዐውቱ እግል ገቢል

ሕሽማም ቁርኣት ገዳም ሙናድል ሚጀር ጀነራል አሕመድ ዑመር ካካይ እብ ዐለ እቱ ሕማም ዲብ ሰንበት ንኢሽ ዮም 14/2/2015 ጽቤሕ ምድር ክምስል አሰተሸህደ እብ አክዮር ሸርሕ ዐለ። ዓደት ቀብር ሚጀር ጀነራል አሕመድ ካካይ ርኣሰ ኢሊዮስ አፈወርቂ፡ አንፋር መጅልሰ ውዝረኦ ውቁላም ሰብ ሰልጠት ሕክመት ወጀብህት ቅያደት ጄሽ። ሚርሐት ደያነት ክምስልሁመ አቃርቤ ሸዑብ ወጄሽ ዲብሊ ሐድረው እተ ዲብ ረሳይ ዮም 18/2/2015 ዲብ መቅበረት ሹህደኦ አሰመረ ገብኦት። ዲብሊ መናሰበት እብ መስኡል አርካን ውዛረት ድፈዕ ጀነራል ፍሊጶስ ወልደዮውሃክስ ለትቀረኦ ታሪክ ሐዶት ሽሂድ እለ ለተሌቱ።

ኣይሳም ወኣይሳት

ክምስል ክሉ መክሉቅ ምሔርባይመ ታሪኩቱ ለነብር ዲኢኮን ዲመ ኢነብር። እለቱ ዮመቱ ምር ምን ንዳል ሽዕብ ኤረትርዮ እግል ተሕሪር ለአፍረዮም ታምም ዕምርም እግል ህደፍ ሽዐም ለሰበለው እብ ዛይድ ኤማን ወስሙድ ለናደለው ምሔርባይ እብ እስትሸሃድ እንዴ ትፈንቴን እብ ሐበን ወሸረፍ እንሳርሐ ህለ። ምን ጅንዲ ዓዲ አሰክ መስኡል ጀሃዝ፡ ሓክም ወቃእድ ጄሽ እንዴ ገብኦ ለከድመ ሙናድል ሚጀር ጀነራል አሕመድ ዑመር (ካካይ) ዲብ ሰነት 1948 ምን ዋልዲት አሰይድ ዑመር መሐመድ ወአሰይደ ሰዓድዮ አሕመድ ዲብ አፍተ ምዳርዮት ፎሮ ለትወለደ ሙናድል ሚጀር ጀነራል አሕመድ ዑመር (ካካይ)። ምን 67 ሰነት ምን ዕምሩ፡ 47 ሰነት ዲብ ንዳል እግል እስትቅላል ውበእኦ ወጠን ቱ ለኣለፈዩ። ምር ምን ዛይድ ፍቲ ወጠን ወሽዑብ፡ ሰኢዮት ለቡ ደሚር፡ ሰሙድ፡ መትሰባል። ኤማን ወዕሸረት ለልትአመር ሰዋልፍ ለመልኮ ፍራሰ ኤረትርዮን ምሔርባይ ቱ።

ሽሂድ ሙናድል ሚጀር ጀነራል አሕመድ ዑመር (ካካይ) ንኢሸናሁ ዲብ ዐዱ አፍተ ምስል ዓይሉቱ ዲብ ወራታት ሐርሰ ሓለፈዩ። ልሰዕ እት ንኢሸናሁ ፈዳብ ወዕጹም ቱ ለዐለ።

ምሔርባይ አሕመድ፡ ዲብ መደት ሸቡቱ አባይ እት ረኣሰ ሽዕብ ኤረትርዮ ለአጀርዮ ለዐለ ጀራይም፡ እብ ፍንቱይ



ክምስል ትወለደት ምን ጀብህት ተሕሪር አሰክ ቅዋት ሽዕብዮት ተዐደ። ንዳሉ እብሊ ትወቀለ ሰሙድ ወኤማን ህዬ አተላለ።

ምሔርባይ አሕመድ፡ ዲብ ቅዋት ሽዕብዮት ክምስል ተሓበረ፡ ምን ሰነት 1971 አሰክ 1975 ዲብሊ አውካድ ዲብ ጀሃዝ ሰለሕ ቅዋት ሽዕብዮት ቱ ለዐለ። ዲብሊ ናይ ህላክ ወመሰደድ አውካድ ምስጢር ሰሙድ ኢመትሐላል ለጠልብ ወቀይ ሐቤዕ፡ ዐቂብ ወጎረቶት ሰለሕ እብ መትሰባል ዛይድ ሐቆለ

አምዕል ተሕሪር ወግራሁ ህዬ እብ ደረጀት ኮሚሳር ክፈል ጄሽ ከድመ። ዲብ ዩናይት 1992 ኮሚሳር ኮር 161 እንዴ ገብኦ ትዩመመ። አሰክ ሰነት 1994 ዲብሊ ዐለ ወክድ ዲብ ኮራት 161 ወ271 እብ ደረጀት ኮሚሳር ሐቆለ ሸቀ ዲብ ማዮ 1994 መስኡል ሉጂስቲክ ውዛረት ድፈዕ እንዴ ገብኦት ትዩመመ። እበል መስኡልዮት እለ እግል 5 ሰነት ክምስል ከድመ ህዬ፡ ዲብ ሰነት 1999 አሰክ 2002 መስኡል ህይኦት አርካን መንጠቀት

ሕሩባት ክምስልሁመ ዲብ ሰነት 1971 ዲብ ሐርብ ኖሰኖሰ ፈልሐት እብ ደረጀት ዓዲ ጅንዲ ሻርክ እት ህለ። ምን 1987 ወሐር ሳኪን እብ ደረጀት ኮሚሳር ወቃእድ ክፈል ዲብ ሕሩባት ጀብህት ነቅፈ፡ ዲብ ዐመልዮት ፈንቅል ወድንኪክ ጀብህት ግንደዕ ክምስልሁመ ዲብ ሐርብ ተሕሪር ሰንዐፈ፡ ድግሰ፡ ሰንገይቲ እንዴ ሻርክ ፈራሰቱ ወመትሰባሉ ወመቅደረት ማርሐቱ ለአከደ ሙዋዋንቱ።

ምሔርባይ አሕመድ ዲብ ሰነት



$$(4.e \text{ ከፋል})$$



• ሰኣል እት ብነ ትም ብሂል ወለ ሐቲ ኢነፊዕ'ነ። አው በሊሰ ለኢረኩብነ እግሉ ሰኣል እንዴ ረፊዕነ ቤትነ ነዐይር አውመ እብ ሰባቱ እት ነሐሰብ ሸፈሐ ለሐልፈነ። ሰሮም ደረሰ፡ “እትሰኣል ገብእ? ደረሰ ምን ልትሰሐቅ እቼ ህዩ፡ ከአፎ እንዴ ወዴኮ እግል እትሰኣል? ክምለ ልትሐዜ እግል እትሃሂ እቀድር ገብእ?” እት ልብሎ ወለአመሳምሶ ሕሰት ተምም



• እብ ተውሳክ እት ፍምግብለ ሸሬሕ ብዕድ አሸየእ እቲ ኢንሕሰብ። እንሰሜዕ ህሌነ እት

በት ክም አቴን እተ ዶሉ
ሐቆ ኢደገምናሁ ወአክትበት
እንዴ ቀርአነ ኢሉፍየሐናሁ፡
አጊድ እግል ንትረሰሱ እንቀድር።
ብሐሳት ክ'መ ለሐብሩ እግል

እት አክር ሀዬ አክል አዩ





ክእረ ሐቀ ወዴን እትለ ገአት
ሳዐት እግል እምተሓን ዱሉያም
ሐነ። ወእብሊ፡ እት ርቦ ሰነት
ልግቦእ መኣክር ሰነት ለእንወድዩ
እምተሓናት ኢኩብድ እትነ።

ሕፍዝ፡ ቅራኣት ኢኮን። እግል ብዞሕ ሳያታት ክታብ ሰበት ትገራሕ ወወልካሙ ሐፊዝክ በሀለት ኢኮን። ሕፍዝ እግለ ቀርአካሁ እብ ሞጅብ ፍሂም፡ እብ ክሉ ጅሃት ርእየት፡ ምስል አዋራፍነ አትጸባጥ፡ አሀምየቱ አክልሕድ ፍሂም፡ እግለ ቀርአካሁ ወለ ብዞሕ ወቅት ምን ልትሰአሉነ አክልሕድ እግል ንብለለ ቀዲር በሀለት ቱ። ጸብጣሙ ክም ሀሌነ ህዬ ክልዶል እት ምግብ ሕፍዝነ ነፍሰነ እግል ንትሰአል ወጅብ። ሰበት እሊ ሕፍዝ ትሩድ ካድም፡ ውቁል ኡብሳር ወእንትበህ ለለአትሐዜ ወእት እምተሓን እግል ንትዐወት ወንፍሸል ተረት ዐባይ ለቡ ክኅል ናይ ድራሰት ቱ።

ሰበት እሊ፡ እት ወቅት ድራሰት

ከራሪሶም እንዴ ቀለወው እምበል ፅርፍ እግል ብዙሕ ሳያታት ቀርኦ ወእብ ሰበቡ ኢሊአንተብሆ ወብዙሕ ኢጸብሎ። ወአጊድ ልትፅቦ ወልትሆከው። ሐቅሁ ሆይ እግል ነፍሶም እንዴ ሐፍዘት ለኢትትዘከር ወእግል ድራሰት ለኢትከለቀት ነሰእው። እግለ ሐድ ሳያታት እንዴ ሐፍዘው ሰኒ ፍገሪት ለልአመጸኦ መልሆምም ሆይ። ክም በክት ለቦም ወእግል ድራሰት ለትከለቀው ወዐሉቦም። እግልሚ ብዙሕ ሳያታት እት ለሐፍዞ ኢትዐውተው ሰበት ኢልትፈሆምም። ልትረበሾ ወሰአዩት በትኮ። ከአፎ እንዴ ሐፍዘው እግል ልትዐውቶ ቀድሮ ለለአሰእሎም ነፈር አው ክታብ ሐቆ ኢረክበው በደል ገበይ ሐፍዞም እንዴ ቀየረው ጀርቦ “በክት አለብኝ” እት ልብሎ ልትሰመዖ።

**ዑመር ዑስማን
ኩልየት ዓፍየት ኦሮተ
አስመረ**





ዝያረት



ዐቦት አምር ክብ በወጪዎች 'የክብ-ቀይሕ' መብደድ እግል ልዘከር ለወጪዎች። ደረሰ መድረሱት ሰውረት ዲብ ወራታት አምር ክብ ዲብ ልጻገሞ ወእቦ ሶም ቅድረት ገጽ ቀደም እግል ለአሳድሮ ኢተሐለለው። እብ ሰበት ንዳልነ ወናይ ምስተቅብል በክትክ፤ ጀራይም አባይ ወለምስሉ እብ አምዕል አምዕሉ ለልትከተብ አሸዓር ወቅሰስ ቅያስ ይዐለ እግሉ።

ዝያደት ላኪን ናይ አምር ክብ ተጠውሮም ዲብ ኮከብ ቀይሕ ለትትብህል ወርሓይት መጀለት ዳምቅ እት እንቱ

ልትረኤ። ዲብ ሰነት 1977 ገለ ምነ ሸነግል ደረሰ መድረሱት ሰውረት እብ መባደረቶም “ፈሬዕ እዕላም ወደዓያት ለልቡለ ፈርዕ አሰሰው። ሐቱ መሪሕ ለትትብህል ወርሓይት መጀለት ህዬ እብ ክብ እዲ እንዴ አትባዘሐው ዲብ ክለ መድረሱት ሰውረት ክምሰል ትትነሸር ወዱ ዐለው። ጽበጠ ቴለሎም ወቴለል ሰውረት እብ ዓመት ለሸፊሕ ቱ። ክምሰልሁመ ዲብ ረቂቅ ናይ ሐሊብ ፕላስቲክ እብ ሕብር ለትሰወረ ሰወር እብ ላምባዲነት ጭሮሬሕ ለለሓልፍ ሰንዱቅ ክምሰል ፕሮጀክተር ዲብ ልትነፈሶ እግል ደረሰ

ወመደርሲን አፍላም እግል ለርኡ አምበተው። ክምሰል መጅሙዐት ሰወር ወአምር ክብ እንዴ ትከወነው እግል መሬሕ ለትትብህል መጀለት ዲብ 'የክብ ቀይሕ' እንዴ ቀየረው እብ ትግሬ ወትግርኛ ዲብ ክል ወርሕ ክምሰል ትጠበዕ ገብኢት። እብ ጀህት ሰወርመ ሕድ እብለ ሸብህ ናይ ርያደት ወብዕድ መጃላት ለትፈረረው ደረሰ ምሰል ህዋዩቶም እብ ገበይስ አግቡ ፈረው ፍረው ወእብ ንዝምት ገበይ ናዋዲ እንዴ ተአሰስ ህዬ እብ ዋውርት ገበይ ልተላላ ዐለ።



ምን ሐልዮት መንሰዕ ቤት ሸሐቀን

እድሪስ ወድ ገብሽ ለልትብህል ሓልያይ ምን መንሰዕ ቤት ሸሐቀን እግለ እሙር ወስሙይ ለዐለ ከንቴባይ መሐመድ ምን የረ ለሐለዩ ሕላዮት እግል ንርኤቱ እለ ሕላዩ እትለ እት ሰነት 1913 ለትከተብተ ክታብ ሐይለት ትግራይት ምን ገጽ 201 ለተአነብት ተ፡ ከዮም ካልኣይ ክፋለ።

መርሐበ ም ከንቴባይ እለ ጋድመት መስመረ ወአለል ትግበእ ወጎምሰ ለዊሽ ገይሰ ምን ለዐለ ሹም ለሸዩም ልትጋመር እንዶ ሀይብ ተበነ ድሩይ ለቀአአሪ ገናፍል ድሩይ ለሰራር ገርገረ እት አፍሁ ሸዋራብ እት ሸልሐ ሐልሐለ ቅታሉ ለብሐቶ በዋር ምኑ ለኢከህለ አልቡ ረድዮ ሕዋይ ቱ ሐቆ ተሐውረረ ሰብ ጸሊም ልጸበር ጋብእ እንቱ ደልደለ ምለዐል ለክስታን ልትፋተሕ ሐድግ ወለይ አገለ ኢፈርህ አሰይድ ምንመ ትማትህ ወትሰሐለ ወኢፈርህ ከወኒ እት መቅጠት ትሻገረ አርወሐት እት ረቢተ እት ለታልቅ ምን ለዐለ እብ ትበኣሰት ኢትመይት እንዴ ትመ ለአጀለ ወእብ ሰኬት ኢትፈግር አግማለ ሐቆ ተሓደረ ረበዕ ረበዕ ተ እዲነ በዲርመ ጀህ ወዐመለ እት ልገንሕ ለዕንታተ ወእት ለገይሰ ለእገረ ሰማንተ ነብረ እዴነ ግሉል ቱ ለእግለ ተህመለ።

መርሐበ ወከንቴባይ ሹም ለሓክም እንታቱ 'ለግበኣኒ' ኢልብል በዲርመ እሊ ፍራዱ እብ ዘልም ዐስተሩ ወእብ ፈሬ ለሕራሱ እብ በዝሕ እንሱሱ ወእብ ሰልሕ ውላዱ እሊ ዐድ ሐቆክ ገዐዞ ልብል ወዋዱ ምን አምረ ገበዩ ወመን አምረ ጎማቱ እሊ ዐድ ምርዝሙ ቱ ወእሊ ዐድ ታክያቱ መርሐበ ም ድራር ጋሻይ ናጽፎ ልብል ወዓዱ ለገሌ አስጋይ ልደረር ለዋነት እንዶ ገራዙ ለገሌ በሌዕ ገሻይሸ ለገሌ ሱቱ አምያሱ ለገሌ ተኬ ቀሀዋታት ደጋዱገ ለአትማሱ ሐቆ እለን ልትወለብ ከከፍክፍ ዝሕረት አብያቱ መንቱ አምበል ከንቴባይ ለእግለ ጋሽ ሕራሱ አመቱ ለሃብ ሰውዩ ለምድር አስክ ጽብሓቱ ኢትረክቦ ክምሰልሁ እንዴ ዐልሎም ተሐዘዙ።





ሰለሰ ወቀደ እት ሐቲ ኢነት!

እለ እት እነብር ለህሊን እዲን እግል ኖሰ እምተሓን ተ። እለ እምተሓን እለ፡ ህዬ እብ ለትፈናተ አግቡዩ እንዴ ትዋድሄን እንዴ ሽዐርን እቡ ወእንዴ ይእንሸዕር እቡ እት ምግቡ እንዴ ትሸመምን እግል ንሄርር እቲ እዲን ትጀብረን።

ምን እት እዲን ለህሊ ገሌ መታክል ናይ ጋብህት እብ ዕጹፋት እግል ትትወወት ዓልዩ ኢብራሂም መዐልም ፍሬ ጀላብ ሀደፈ እት ወግም እንዴ እንዴ ሐሬነ ወሐዜነ የም እት ሻበት ዓልዩ ኢብራሂም ወእብላመ ቃኑን ጠቢቦት እግል ወልደት ወተልደት፡ዓቤት እት ሐቲ ኢነት መስኡልየት ናይ መስተቅበል ሐያተ ትሆገለት እት ሐቲ ኢነት ርዱፍ ትቤ ምን መሳክብ ታሪክ ዐድነ ነክሸት ለአንበተቱ ሄራረ እት ህሌት።

እት ለሐልፈ ሰልፋይ ክፋል፡ ዓልዩ ክም ተሀዳት ወሐቀ አውርሐት ሐድ 18ይት ደውረት ክድመት ወጠን ሳወ ክም ጌሰት ወዐራቶም፡እብሊ ህዬ ድራሰተ እት ተአተላሌ ንቅጠት ዲግሪ ክም አምጸአት ወክልየት ዕለም ወቴክኖሎጂ ማይ ነፍሐ ክም ኡቴት፡ ምን እለ ኩልየት እላመ መፈንተዩ ወሐራን መጃል ላቲ እምተሓናት ክም ነስአት ወኩልየት ዓፍየት አስመረ እንዴ ሐሬት እት ክም አንበተት ርእያም ዐል። የም ህዬ ካልኣይ ወናይ ደንገበ ክፈለ መቃበለተ ትተላሌ።



እጅትማዕየት ወጠቢዐት። እለ እንዴ ለቀድረት መሰል-ሰጌት ሻባት ላተ ተዐበተ ወለ ሄረረቱ ሄራር መሪር ኣቲነ ምን ተጃርበ እግል ትድረሶ ዓመድ ሸባን ዓዝማመ ህሌ። መዐልም፡ እብሊ እግል ትድረሰ ተአትምም እንዴ ትቤ ለትሀዳት፡ ወነፍሰ እብ ተዐሊም እት ተዐቤ ዋልደይት፡ጼወ ወክም ደረሰይት ለአርፈዐታተ መስኡልየት እንዴ ወቀደ እግል ተአውቄ እንዴ ላተ መዲነት ነቅፈ ከንፈረ እንዴ ዓሲመትነ ላተ አስመረ እትምም።

11 ፊሰል ክም አትመመት እት ነቅፈ ምስለ ሳወ ክፋያም ለዐለው መልህያመ

ሰላል፡ ሓያት ኩልየት ዓፍየት አስመረ ከፎ ዐለት?

ሐያት ኮለጅ ዓፍየት አስመረ ሰኒ ትርድት ዐለት፡ እተ ሳልፋይት ሰነት። ሰበቡ ኣነ እብ ክሰሰ ሐያት ኩልየት አምር ሰበት የዐለ እግልዬ ትቀዌት እትዬ፡ እብ ፍንቲይ እት ክእነ ለመሰል ቴለል አምር ሐያት ኩልየት ለሶም አንፋር እግል ለህሊ እግልክ ሶም እግል ለሐብሩኩ እለ ለትሰረረተ ገበይ ሕፍዝ እንዴ በዴት ምንክ ምስል ቀድረትክ እት እንተ እግል ትጠረዝ ትቀድር፡ አናመ እት ሐናክሸ ለሰነት ለሀ ሐለፍክወ።

ሰላል፡ ወለት ብክርኪ ሚ ዶል ወለድክዩ?

ወላሂ ወለት ብክርዬ እት ኩልየት ዓፍየት አስመረ ሐቆለ መጸነ ወምስለ

እት መጃል ዓፍየት እንዴ ሐረው ደርሶ ለዐለው ደረሰ እግል ክልኤ ሰነት ናይ ሕበር ደርስ(common courses) ክም ነስአነ ክልየት አንያብ እግል ለአሰሶ እት ብንዩት ትሕትየት ምን ገብእ ወአትዳላይ ዐፍሽ እቡ ሹቁላም ሰበት ዐለው ላመ ድሩሰ ብሩድ ዐሉ፡ እለ እንዴ ርኤት ሰነት ሐቲ እጃዝት ምን መድረሰት እንዴ አጀዝቡ ወለድኩወ፡ ወለ ወክድዬመ ትነፈዐኩ እቡ።

ሰላል፡ ዳግም ህዬ እት ከፎ ሓለት ወለድክዩ ወአሰማዮም ህዬ ምስል ሚ ለትጸባግቱ?

ግራሁ ለህሊ ዳግምዬ እት ሓለት እኪት ወለድኩወ፡ ዐምሳት እት ኣነ እደርሰ እቡ ዐል፡ እብሊ ገበይ እለ ህዬ ሕርሰዩ ወለ ምን ቀርባመ አሰክለ አምዕል ለእለ እወልድ ድራሰትዬ እትኩርምት የዐልኮ ለልአትፈክረክ ፈጅራተ እግል እውለድ ሳዐት አርበዕ ድራሰት እብ ዐመል ሰበት ዐለት እግልነ እንዴ ጌሰት ድራሰትዬ እንዴ አትመም፡፡ ፋጅራተ ሳዐት ክልኤ እት ሕክምን ወለድኩ። ለልአትዐጅብ ላኪን እት ሳልሰ አምዕልዬ እምትሓን ሰበት ዐለ እግልዬ፡ ምን ቤት ሕርሰ እንዴ ፈገርኮ እምትሓንዬ ወዴኮ ለእምትሓን ምህም ሰበት ዐለ። ለአሰማዮም እቡ ሰኡልዬ ዐልክ መሰለኒ ለወለት ብክርዬ ኣያ ትትበህል ኣያ ምን አልቅርኣን ወኣያ ምን አጀማል፡ ለዳግምዬ

ህዬ ዕመር ልትበህል ዝክረት እግል ጀላብ ሰላም ወመስኩባት እለ ወጠን ለአሰተሸህደ ሐቶ እግል እፍቀድ እቡ እንዴ እቤ ሰምየቱ ተ ኣነ።

ሰላል፡ ውላድኪ ምስል ምን ጸንሖ ዐለው?

ኣነ እለ ደረጀት እለ እግል እብጸሕ ዝደድ ለከድመውኒ ዐጃቶም፡ ዝደድ ክሎም ህዬ እምዬ መስንዩት፤ ተ፡ እለ ሰበት ገብኣ እንዴ ይእክጅለ ምራጂ እብሊ። ወህታመ እግል ቲደየ እግልዬ ዱሊት ተ፡ እለ ሰበት ገብኣት ህዬ እምዬ ምን ነቅፈ እንዴ መጸት ምስልዬ እት አስመረ ግሲት ዐለት። እብሊ ህዬ ህተ እት ጸቢጥ ውላድዬ ወኣነ እት ድራሰት ፍርት ዐል፡፡

ሰላል፡ ዶል አጥባቡት ህዬ ሚ ትወዲ ዐልኪ?

እግል እለ ምሽክለት እለ ሐል ገብእ እንዴ እንቤ ምርት በዐል ተክሲ ጸብግም ዐል፡ ለበዐለ ተክሲ እምዬ ወለ ወልዬ እንዴ ረፍዐ እት ክልየት መጸኒ ወኣነ እንዴ አጥባቡኩወ እግል እንዴ ሀብኩወ ፈሰልዬ ኣቲ ዐል፡፡ ዶል-ዶል ህዬ ሽቅል ሐቆለ በዝሕ እጅ ሐሊብ እንዴ ሐለብኮ እግሉ ሐድጉ ክእብሊ ገበይ እሉ ለልትሐዜ ሐሊብ እም እምበል አትካራም እት ሀይቡ ዓቤኩወ።

ሰላል፡ ግራሁ እበዩ ተአረትዐዮም ዐልኪ?

ሐቆለ ልትሐዜ ወክድ አጥባቡኩም በህለት 10-11 ወርሕ ክም በጽሐውቱ አሰክ ነቅፈ እሳርሖም ዐል፡፡ምስለ ድራሰት እት አስመረ ምስልዬ እግል ልግብኣ ሰበት ኢልትወጤ እግልዬ፡ ነቅፈ አበጽሖም ወምስል አቦቶም ወዐዶም ገብኡ፡ ኣነ ህዬ ክል አምዕል እብ ተለፋን እንዴ አተሰልኮ ምን ዓፍየትቶም ወሓለቶም እትኣክድ ወድራሰት፤ እት አተላሌ እለ በጽሐት።

ሰላል፡ ነቅፈ እት እንቶም ሐቆ ተአተላሊ ሚ ልብላኪ ዐለው?

ወላሂ ዝደዳዬ እግል እምዬ ሰበት ለአምር እግልዬ ይመ ኢልብሉኒ፡ ዓልዩ ልብሉኒ። እለ ሰበት ገብኣ ህዬ እግልዬ ብዘኸ ኢልትሰፋለሉኒ አቦቶም ክም እምም ሰበት ልርእወ። ለራኣፈትለ እም ወለረሐመት ምን ሰበት ረከቡ ኣነ ክምስል ጋሽይቶም ኣነ።

ሰላል፡ ደቶረት አንያብ እብ ከፎ ሐሬክዩ?

ንኢሽ እት ኣነ ወእት ነቅፈ እት እደርሰ አቡዬ እንቲ ደቶረት እግል ትግብኢቱ ወእት ደተረትመ ናይ አንያብ እግል ትግብኢቱ ብህልዬ ዐለ። አናመ እለ ህግዩ እለ እሰርት እጅ እት እንተ በክት፤ ሰነ ከእተ ወክድዬ ለመጃል ለአቡዬ ፋኑዬ እቡ ዐለ ሰበት አንበተ፡ እንዴ አተሰልኮ እቶም ለሕርዶን ክም አሰክልክምም ኣዜመ መጃል አንያብ ሕረይ እት ልብሎ ሰበት ሐበረውኒ እግሉ ሐሬት፡ ወድራሰትዬ እትሊ መጃል እለ፡ እብ ክእነ አተላሊኩወ።

ሰላል፡ ደቶረት አንያብ እንብል እት ህሌነ ለኣዳም ኒበት ቀብበ እትሊ ሚ ትብሊ?

አንያብ እብ ምጅተመዐነ ክም ሐቲ ተርጀመት ለአሰበ ትመስሎም ኒበት ላኪን ብዘኸ አፍርዐት በ ወብዘኸ ደርሰ ህለ እግለ። እግል መሰል እብ ይአምር ለእንወድዩ ጌጋታት እት ዓፍየት አንያብን ግራሁመ እት ዓፍየትን ደረር እንሰብብ እቡ። እለ መጃል እለ ሰኒ ምህምቱ እምበልሁመ ለሐኪም እት ክሉ መጃላት ለልትነፊዕ እቡ አምር ራፍዕ ሰበት ህለ ምሽክለት አምር አለቡ።

ሕናመ እብሊ መጃል እለ እግል ሰልፍ እምን ንደሐር ሰበት ህሌ፡ ፈህም ምጅተመዐነ እት መጃል አንያብ እግል ልዕቤ ወብዕድ አምራድ እግል ባልሐት ብዘኸ ሽቅል ልትጸበረን ህለ።

ሰላል፡ እንቲ ክም አንሳይት ሰለሰ እምትሓን እንዴ ሐለፍኪ እለ ደረጀት እለ ለበጽሐኪ፡ እግል አንሳት ሚ ትብሊን?

አንሳት ክም ሐወን ወዝደድት ሐወን እግል ልትዐለመ ወልኣድመዐ ቀድረ እብል፡ ለዐቤት ምህመት ላኪን አሰልፍ ሀደፈን እግል ለአምረ ወእግሉ እግል ልብጽሐ ቀደመን ለጸንሐን መታክል እቡ እንዴ ኢልትደንገበ ወሰኣየት እንዴ ኢበትክ እግል ልትበገሳየን። እለ ዶል ወድዩ ለእለ ሐዘዩ እግል ልብጽሐ ክም ቀድረ እግል ሐብረን እፈቱ፡ ምን ናይ ተጃርብ። ሐያት ህዬ

እምበል መታክል ግርመት ሰበት አለበ ጠዐም ሐያት እግል ለኣዳውረ ገብኣየ ምንገብእ እብሊ እግል ልሕሰፈ በን እብል።

ለዐቤት ላኪን አንሳት እግል ልውለደ ውልትለደ ክም ቀድረ እንዴ አመረየ እግል ልትበገሰ ወጅቦን።ሀደፈን እንዴ አንጸረየ ዶል ልትበገሰ፡ እብሊ ቤተን እት ከድመ (እናስ ወሐያት ቤተን) ውላድ ወድራሰት ናይ መስተቅበለን እግል ልስተተ ቀድረ። ለምሽክለት ላኪን፡ (ምን ናይ ተጃርብ) አሰልፍ በገሰ ኖሰ የህለ እግለን፡ ግራሁመ ህዬ ምስል በዐል ቤተን እንዴ አተፈቀየ ድራሰተን እግል ለአተላልዬ ንዩተን ሐዋኒት ሰበት ህሌት ለካልኣይ ሕውናህን መሰል እጅ። እለ ህዬ ለትትሐዜ ደረጀት እግል ልብጽሐ ለይለኣቀድረን፡ ሰበት እለ አሰልፍ እግል ልትበገሰ ግራሁ ህዬ ከንፈረን እግል ልንከሸ ወሀደፈን እንዴ ሰተተየ አሰኩ እንዴ አቀመጫየ እግል ልሄረ በን። እለ ዶል ወድዩ እምበል ሽክ ለትትሐዜ ደረጀት እግል ልብጽሐ ወ100 ምን 100 እግል ልትወወተ ክም ቱ ኣክድ እግለን።

ሰላል፡ እት ደንገበ እለ ደረጀት እለ እግል ትብጽሐ ለሰደውኪ ለትብሊ ምን ለህሌ?

አሰልፍ እግል ረቢዬ ሐምድ እለ ደረጀት እለ እብ ዓፍየት ወሰላም እግል አትምመ ሰበት አተቅደሬኒ። ግራሁ እግል ሰምዋዬ እንዴ ገብአው እት ኣነንዬ እት ዕበያት ውላድ ወሰዳይት ማል ወመዐነውያት ፍሩራም ለዐለው ዋልዴንዬ በህለት እምዬ አቡዬ ሐውዬ፡ ግራሁ እግለ እለ በክት እለ ለፈትሐ እዩ በዐል ቤት፤ ወለ እግል እት ቀደም እግሎም እንዴ ቤለው እግል ብዘኸ ሰኖታት ምን ሕቅፍ እምም እንዴ አሬመው ነብር ለዐለው ውላድጂ ሐምድ።

እለ ዓልዩ የም ህቶም ምንዲ ኢለአትበገሰ ወሐቆመ አትበገሰወ እት መጦረ ምን ኢበዋር፡ ለሄራረ ሀደፋ እንዴ ኢበጽሕ እት ምግብ ወአትካረመቱ ዐለት፡ ምናተ ህቶም እብ ክሉ መጦርዬ ሰበት በዋረው፡ እለ የም እንርእየ ለህሊን ዓልዩ እግል ትትወለድ ወትትክለቅ ቀድረን። እለ ፍሬ እለ ህዬ ፍሬ ተዐበቶም ሰበት ቱ እግሎም ለአስትህል።

ዐመድ ሸባን- ሸክረን ዓልዩ!!!!!!!!!!!!



ኢብ ክሱስ ኢሲት ለትብህለ

(၂၀၁၆)

ኢርቡዕ 2015

ደግሞ መስል

“ካኒ ማኒ ኢቲበለኒ”

ከሌላግል ሐረስታይ፡ ምንላ ካህንላ መዕበድ፡
ፈርዑናት ገላ ቀረድ ትሸነህ ምን ገብኢ፡ ለካህን ካኒ
ወማኒ በህለት ሔሳስ ወመዐር እግል ለህቡ ጠልብ ምኑ-
ነብረ፡ ከገሌ ሰንዐት እግል ልውዴ እግልክ ለተሐዘዩ
ነፈር፡ እት ቅብላት ለእለ ወዴ እግልክ ክድመት
ተበን እግል ኢልትሰኣለክ ለተሐዘዩ ነፈር፡
ለጠለብክ ክም ቀደምክ እቱ መሰምሰ ዶል
ወዴ እትከ፡ ለንዮቱ ሰበት ትትኣመረከ፡ “ካኒ
ማኒ ኢቲበለኒ ምን ፈድለክ” ትብሉ።
ከእት እሊ መሰል ጋራት ለለሀዱጋ
ወለልትነፍያ እባ ብዝሓም ቶም።

ምን በግሎ አፍ ትግራይት
ጅንሰ ወድ ሐሺል

እብ ምስሞስ ላቲ ለትትአመር አለቡ።
ደአም አስክ አዜ ርግባይ ልቡሉ።
እብሊ ከሰሰ ሐቲ ድግም ህሌት።
ወሀተ ክም እለ ተሉተ። ክልኦት
እናስ ዐሻክር ናይ ጢላን ዐለው።
ለምሮትም ርግባይ ቲ። ወለካልእ
ላታ ምን እድን ብዕደት ቲ።
ወሀቲ እብ መንዱቅ ሐሽል ቀትለ።
ወሐር እግለ መለህዩ ለርግባይ ሐኩ

ተብሰም

ሥ ፎ ቶ
 የዘር እግሩ መጠጥ ሲ
 ከልሆ ወይት እቲ..እግል ልግወ፣ አሰከ
 ሰይዩት ጊሊ..
 ለተከረም እለ እግርክ ላሳሆ እግል ትትቲፈጥ ለአትሐገ፣
 (እግል ንትፈግቲ) ለአሆም ለደበ ሀለ ሲ ከጦር ቱ በለዉ..
 ሐቆ ሐመጣጥ፣ ለየዘር ሞፈቲ ምናት ሸር፣ ሀሰ፣ ለእግሩ ሀቲ
 ናሐ እግል ልቶፈጠ። (ጠባሪን ሀቲ የዘር ሰሰት ቱ እለ መግል እለ. ሲ
 ልቶሀ)..
 አልመሆም...ለተከረም ወለ ሙመርዩት እት ለደግሩ ትጽመወ. ከሰከ.ን
 ሀሰዉ..
 ለእግሩ ለወል ፈቆላ ከቶጠፍ..
 ለዩትቲፈ ወለሙመርዩት እብ ከለ ሐለቶም አግቶወ. እለ..
 እብሊ ሰሰት ትናየት ልብ እንጾ አከፈ እግል ካልኦይት
 እግሩ ለወል ፈቆላ...ከእግለ መላሆ አትባፈ።

Uk

እንዴ ተሰሐቀ
እግልክ ገጹ ሀቤክ
ምን ገብእ ኢትትፈገዕ
እሉ..ዘመን ቀራር አለቡ
ወእግል መደት ረዶም
ኢልትሰሐቅ።

- ረሕመት እብ ማል
ኢትትዘቤ ወምን ብዕዳም
ኢንትዐለመ፡ ህተ እት ቀበት
ቀልብ ባርህ ትትረኩብ።

- መሳኒትክ ልብ እንዴ
ከሬክ ሕረዮም ዕድዋንክ
ህይ ህቶም ኖሶም እግል
ልሕረወ.ካቱ።

- ምስል ኩሉ እብ አደብ
ቅረብ፡ ምናተ ምስል ገሌ
ፍንቱያም አንፋር ዝያደ ቁሪና
ለሀሌ እግልኩ፡ ወእግል እሎም
አንፋር እሎም፡ ኩለ ደማነትክ
እንዴ ኢትከሬ ዲቦም፡ እብ
ምልሃክ ረአዮም፡ ለናይ
አማን መሰንዮት ክምለ
እተ ተክል ተ፡ እብ
ምልሃህ ተዐቤ።

ሐሺል ቀተልኮ ቤለዩ። ለርግጣይ
ሐዬ ኢኮን፡ ለእሉ ቀተልከ ሐሺል
ከደንቱ እት ልብል በልሰ ዲቡ።
ለመለሀዩ ሀዩ ኢኮን ሐተቱ ሌጠ
ለእሉ ቀተልኮ ቤለዩ። ሁቱ ሀዩ ከእሊ
እሊ ቃትል ሀሊከ ሐዬ ሐቀ ገበአ
ልቅሰን እንደ ቤለ እብ መንዲቅ
ቀትለዩ። ከጅንሶም ምን ገሌ ኣዛን
ኣዳም ቱ እት ልትበሃሎ ልልትሀደን
ሕያይት። እብ ኣማን ምን ኣዳም
ኢኮን፡ ደኣም እትለ ድግም ሰብ
በዲር ክም ሰልሁ ደግሞ።

መዕረ-መታ

- አንድ ብድር ሚን አደም ቀደም ተውሊደቱ እብ ሰሰ ሸሀር እትበቅለ ለአኑብተ፡ እብሊ ሰብ ተ ዎሮት ምን ክል 2000 ምን ለሓዳይስ ለልትወለዶ ምስል አንጃቦም እትእንቶም ለልትወለዶ።



ጽሑፍ ጽሑፍ ? ሰ ል ል ?

(2ይ ክፋል)

ሰአል፣ አሰልፍ ሰላም እግል አቀድም እፈቱ፣ ምን እንዴት እንሆን እብ ክሰሰ ነቅድ ክቱብ (ዐገብ) እግል ተክብርህ እግልዬ ሐዘኝ ሀሌኮ ሹክረን

‘ነቁድ’ እብላ ገበይ እለ ፈቱኩሁ ወትከበትኩሁ። ሰበቡ ህዩ ለትህየቤኒ አፍካር እት ሸቅልዬ ሴድዮት እብ ግብኡቶም ወትልም ክቱብዬ እብ ነዘሞት ብቐፅ ክታብ እግል አጥብፅ ሰበት ሳዐዲ። ለለአትፈክርቱ ዐገብ እግል እግል ኬትባይ አክል እሊ ሰዴ መሰለኒ ይዐለ።



ዐገብ፣ እግል ኬትበት ፍጥር ሰኒ ሳዕዶም ወመርሖም፡ለአፍረወ ሸቅል ክም ገምግሞ ወድዮም ወሐቐሁ እት መስተቅበሎም ከፎ ክም ከትቦ ሳዕዶም። እግል መሰል ምን እብ ነቁድ/ዐገብ እት ክቱቦም ተቅዩር ዐቢ ለአምጸው ምን ተጀርቦም ለቤለወ ሀለ ከገሌ እግል ንርኤ ምኑ።

‘ሸክል ክተበትክ እት ወግም እንዴት አተ ለልትህየበክ ነቁድ ሴድዶይቱ። እግልሚ ለትረሰዐካሁ ለአትፋቅደኩ፣ አፍካር ሐዲስ እግል ትክለቅ ወልእክትክ እግል አቐረዮት ወአደቀቦት ሰዴክ።

‘አነ ናይ 25ሰነት ተጃርብ አድረሶት ብዬ። አማን እግል እትሃጌ ሐቐ ገብኣኮ አሰክ እለ ሴፈ ወመቶር ተዋዊር ለገብኣ እግልዬ ምን እዩሳም ወሰብ መቅደረት መጸኒ ለዐለ ነቁድ ቱ። ለነቁድ ሐጨር እግል ሸቅልዬ ለከሰሰ ሰበት ዐለ ህዩ ሰኒ ፈቱኩሁ ወትከበትኩሁ። እብላ መነሰበት እለ ህዩ እግለ እት ሸቅልዬ እንዴት ተኣየሰው ነቁድ ለሀይቡኒ ለዐለው አፍራድ ሐምድ።

ምን እሊ እት ለዐል ለትሸርሐ ተጃርብ ኬትበት ለእንፍህሙ ምን ለሀሌ ገበዩ ለጸብጠ ዐገብ አክል አዩ እግል ኬትበት ኔፍዓይ

ሓይሳት ወሓይሳት ቁርኣት እለ ሰፍሐት። አርእስ ንቃሽን “ተማሲል ትግሬ ከፎ ሀለ” ክምቱ እት ሐልፈት ጥብብት እስኡሳም ክም ዐልነ ለልትፈቀድቱ። ከምነ እቱ ማጽእነ ለሀለ አረኔ አሮት ረአይ እግል ንቀድም እግልኩምቱ።

“ተማሲል ትግሬ ኖር ሀለ”

አሰላም ወዐልይኩም ወረሐመቱላህ። አወል አልሐምድልላህ አብ ህግዩነ ጀሪደት እንዴት ረከብነ ረአይነ እግል ነሀብ ዲበ ወተሐይስ ተሐምቅ እግል ኒበል እብ ቅድረትነ ፈርሐት ትሰምዐኒ። ምኑ እንዴት እትሌኮ እሊ አሰክ

እለ ፈግር ለጸንሐ አርእስ ንቃሽ ሰኒ ኔፍዓይ ወእብ ገበዩ ሚክራይ ሰበት ቱ እግል ልተላሌ ቡ። ከእተ አግደ ሀደፍ እትሳልዩ ምን እቱ ተማሲል ትግሬ ኖር ሀለ። ምን አምዕል እት አምዕል እት በርክት ወልጠወር ገይስ ሀለ።

ክምቱ ለአርኤኑ። ለልትህየብ ነቁድ ኔፍዓይ ወፍገራቱ ለትትርኤ እግል ልግበእ። ኬትበት እግለ ልትህየቦም ነቁድ እግል ልትከብቱ ወልትነፍፅ እቡ ቦም።ምነ ልትህየቦም ዐገብ ህዩ ብቐፅ ወሐዋን ሸኽም እንዴት ፈረገው። ገበይ ክተብቶም እግል ለአሰኑ ቦም። እግል መለ እለ ለተሌ አሮት መዐግባይ እግል አሮት መአንብታይ ኬትባይ ለሀበዩ አምር ክቱባይ ዐገብ ንርኤ።

--- አወል እበ ልትህየበክ ዐገብ ሰአየት እግል ኢትብተክ እትፋኔክ። ምኑ እንዴት እትሌኮ ክቱብክ ቀዋኒን አሳሲ ናይ ትንክር ልብ ለትለ ኢኮን። ሐትሐቱ ዶል እብ አወላይ ገርብ በሀለት ‘አነ’ እት ትብል ዳግም። ሸወዩ እንዴት ጸንሐክ ህዩ ለመዳግማ ክሉ ለለአምር፣ ለልርኤ ወሰምዕ እንዴት ወዲክ ዲብ ክሉ ተኣትዩ፣ አገይ ዳግሞትክ ለትሐበበራቱ። እተክምሰልሁመ አግደ ጠቢዐት ክቱብክ ወድ 12 ሰነት እት እንቱ። ለልትህገዩ ወለሐሐሰቡ ክም አሮት ጃምዓት ለአትመመ ሻብ መሰል። እሊ ህዩ ክቡት ኢኮን።ህግዩሁ ወአፍካሩ ምስል ፅምሩ ለኢገይስ እብ ግብኡቱ ምን አማን ለፊመቱ። ካልእ እግል ሕለፋ ለኢሐዘኔ፣ እግል ልትአመን ለኢቀድር ፅሙማይ ረአይ ሂበት ትፈቱ ወደረሰ እግል ተሀብ ጀርብ። እሊ ህዩ እብ ዋድሕ ሚ እግል ቲበል ተሐዘኔ ክም ህሌክ ኢትትፈህም ዶል ሐቱ መድርስ ገብእ ወዶልሐቱ እግል ቁርኣትክ እግል ተኣትፋግዕ ተሐዘኔ። ክልኢቱ ህዩ ምስል ሰበት ኢገይስ አሮቱ ሕሬ። እት መክምከሚ ክቱብክ መደጋግ ብዙሕ ለአትሐዘክ ሀለ። እግል ተኣትምም ለደዩክ ወእግለ ጠባይዕ ሚ ክምወድዮም ለበደ ምንክ ትመሰል። ጠቢዐት ክልቀት ክቡድ ቱ ወክቱም ቅሰሰ እብበል ጠባይዕ ኢልትሸቁ። ለትክልቀም ጠባይዕ እግለ አርወሐት ለይአለቦም፣ እብ ትሉሉይ ለልትህገዉ ሀገጊ ለትወሐጠው ቶም።

ዘገቢ ዘገቢ

ዐገል ዕጉላም
አዳወርት ሸዕር
ዐዩባይኪ አተንሲኒ
ሕጉዝኪ ኣነ አርትዒኒ
አወል ሰምዒ እግል ትፍረዲ
እግል ፍርድ ኢትሸፈጊ

ምሸዊት ልብዬ እግል ይአፍግረ
ምን እዘንኪ ንሳልኪ በድረ
ሐቱ ምስዳር አሰክ ቀደም
ክልኤ ምስዳር አሰክ ግረ
እንዴት ይአሰምዕ ሰኒን ዶረ
ለኢሰምዕ ከፎ ልፍህም
ወለኢልፍህም ከፎ ለሐክም

ንእሸናቱ መ አከይ ሰብር
መ አትባዳይቱ አሰክ እጸብር
አሰክ ሚዶል ክእነ ነቢር
ልብኪ ቆረ ከልኣዩ ምስጢር
ተሐለልኮ እት እጃርብ
ልብዬ መልኣ መዳናግብ

እለ አምዕል ለእነ ተኣትፋህም
ምንዲ ጸብሕ እብ ቅድረት ዳይም
ከምን ሰምዒኒ አሰክ አተምም
ወአባሬኮ ምን ነቢር ሕልም
ጾርዬ ወቀለ ምንመ ይዓርፍ
ሴፈ ወገብኣ እግለ ታርፍ

እት ልብዬ ለሀለ ኖሱ ወትሃገ
እብ ንሳሉ ሸንሀቱ ወሸርሐ
በሊስ ልብኪ ምን ክልኤ ሐቱ
አው አቤ አውመ እፈቱ
እግል ትእበይ ወእግል ትፍተይ
አወል ሰምዒ ልብኪ ክረይ

ናይኪ ላኪን በይነ ገብኣት
ሰምዐት ኢኮን ወፍሂም እሸረት
በሊስ ልብኪ እበ ኢከሰሰ
ሰምዒኒ አሰክ አክልሰ


እዘን ዓቢ በደል ንሳል
ክተርዩ ለብቱክ ሕሳል።
ሞደ

እለ ሸዕር ነአዳውረ ጥልቅትተ መናይ ሕላይ ንፈርገ።
እለ ሸዕር እለ ናይ ሕላይ(lyrics) ተ እግልሚ እለ ሸዕር እግል ለሐን ሸቂት ክምተ እብ ዐደድ ዝያታተ እት አብያተ ትፍህመ።

እብ ሀለዮትቱ። ተማሲል ትግሬ ምን ናይ ለመድ ወታጃርብ አንፋር እት ሰብ ምህነት ወዳርሳም ለሕልፍ ሰበት ህላመ ካልኣይት ለትረይሐኒ ንቅጠትተ። ሸወዩ ለለአሰፈኒ ጋራት ኢሀለ በሀለትቼ ኢኮን። እግል መሰል ናይ ትግሬ ፊቼር ፍልም ፈሬ ኢሀለ። መሰልሰላትመ ብዞሕ ኢኮን። ካልእ ክም አግደ ለእርእዩ ንቅጠት ተማሲል

ትግሬ እምበል እት መነሰባት፣ ትጃሪ ፈሬ ሰበት ኢሀለ መረ ለአሰፈኒ። ለመሻክል ናይ እምካንዩት ማል እግል ትግበእ ቀድር። ላኪን መትበጋስ ምን ለሀሌ ማልመ ኢልትሐገል። እብ ጀሀትነ እግል ንሳዐድ እንቀድር። ወደሐንኩም።

ያሲን አሕመድ ምን ሰውድዩ



ፕሪመርሊግ እንግሊዝ



ለምን አንበተ 26 ሳምን ዋዲ ለህሊ እብ ፕሪመርሊግ ለልትአመር ደውሪ ኮብሪት እገር እንግሊዝ እት ሐልፊያ ሰነብት ተቅዩር ሐዲስ እርሱይ ህለ።

ፈሪቅ አርሰናል እግል ማንዩናይትድ እንዴ ሐልፈ. እት 3ይት ደረጃት እት ልትወቀል፡ ለገጽ ሐር ለአቅብል ለዐለ ፈሪቅ ሊቨርፑልም እት 6ይት ደረጃት ትወቀሉ። ምናተ ለእት 1ይት ደረጃት ሻንን ለዐለ ፈሪቅ ቼልሲ ክልኤ ንቅጠት እት ለአቦዴ ፈሪቅ ማንቼስተር ዩናይትድ እብ ሰዋንሲ ትቀለቡ።

ሰንበት ንኢሽ ምን ለገአ ትልህያታት፡ ፈሪቅ ማንቼስተር ዩናይትድ እት ሜዳን ሰዋንሲ እንዴ ሳፈረ እት ለወደየ ትልህየ 2-1 እንዴ ትቀለበ ገጽ ሐር እት ለአቅብል። ቼልሲ እብ ጀህቱ እት ስታድዩም ስታምፎርድ ብሪጅ ምስል ባርንሊይ 1-1 ተዓደለ። እሊ ተዓዳል እሊ ሌጠ እንዴ ኢጉብእ

እግል ሙዳዩ ኒማንጅየ ማቲክ እብ ከርት ቀይሕ ካሰር ህለ። እሊ ሙዳዩ ስሊ ለትሰበበ እቱ ከርት ቀይሕ፡ ሃዳፍ ፈሪቅ ባርንሊይ አሸሊይ ባርነር አክይ ዝብጠት ሰበት ዝብጠዩ ለርሐ ምን ምን ምልኩ ለፈግሪት ማቲክ እምበል ሽዑር እንዴ ዐረ እቡ ሰበት ዝብጠዩ ቱ ለትጃዘ። ሐቀለ ትልህየ ሙደርብ ቼልሲ ጆሲ ሞሪኖ እግል ማቲክ እት ለአይድ ዳይነ እግለ ዛብዋም እግል ልዋሪዞ ዐለ እግሉ ቤሊ። አርሰናል እግል ክሪስታል ፓላስ 2-1 ለቀልበ እት ትልህየ ሰንበት ንኢሽ እግል አርሰናል ክልኦት ፈሪቅ እንዴ ሐሊፈ እት 3ይት ደረጃት ውቅልቱ ህሊት።

ምን ናይ ሰንበት ዐባይ ትልህያታት ህዩ፡ ለትደቀበት ትልህየ ለእት ሜዳን ሳውዝምቶን ለገአት ትልህየ ሳውዝምቶን ወሊቨርፑል ዐለት። ፈሪቅ ሳውዝምቶም መትቀላብ ማንቼስተር ዩናይትድ አምር ሰበት ዐለ እትለ ትልህየ እንዴ ተዐወተ እት 3ይት ደረጃት እግል ለአቅብል ሰእየት

እት ህሊት እግሉ እት ሜዳን ትከረ። ምናተ ሀዳፍ ፈሪቅ ሊቨርፑል ኮንቲንሁ እት 3ይት ደቂቀት ምን መትአንባት ትልህየ እግል ሊቨርፑል ጎል እንዴ ሰጀለ ክልኢቶም ፍረቅ እግል ዕርፍ ምን ሜዳን ፈግረው። ሐቅ ዕርፍ ሙደርብ ሳውዝምቶም ኮብሪት ሓን ሙራቀብቱ እንዴ አተ እበ ለወደዩ ጅህድ እግል ሊቨርፑል እት ሜዳን ምንመ ዜደዮም ኮብሪት ምን ሙዳዩዲን እንዴ ሐልፈት እግል ትሰጀል ኢቀድረት።

ለሐት-ሐት ዶል እት ፖርተ ልትጽባቡ ለዐለው መተልህየት ሊቨርፑል እሊ ፈሸል እሊ እግል ለአተርዶ እት 73 ደቂቀት እብ ስተርኒንግ 2ይት ጎል ደግመው ውትልህየ እብ ዐውቱ ሊቨርፑል 2-1 ተመት። ፈሪቅ ሊቨርፑል ለትመጽእ ሳምን እት ስታድዩም አንፊልድ ምስል ማንቼስተር ዩናይትድ ለወድወ ትልህየ ፕሪመርሊግ ብዙሕ ፈታይ ርዶዶት ልትጸበረ ህለ።

እምበል እሊ ነቲጀት ኩሎም ፍረቅ እንዴ አመረ እት ሜዳኑ እግል ኒውካሰል ለተሐደረ ፈሪቅ ማንቼስተር ሲቲ 5-0 እብ መትዐዋቱ ምን ቼልሲ እብ ሐምስ ንቅጠት እንዴ ትደህረ እት 2ይት ደረጃት ህለ። እትለ ትልህየ እሊ ለእግል ሲቲ ለዐወተየ ጎላት ቀደም ዕርፍ እብ አግዌር፡ናስሪ ወዚኩ እት ልትሰጀሉ፡ ለክልኤ ህዩ፡ ሐቅ ዕርፍ ጻቢድ ሲልሽ ሰጀለየን።

ዐንሰቡ ጅግረ ፍንጌ ደረሰ 2ይት ደረጃት

እት አቅሊም ዐንሰቡ እት ፍንጌ ደረሰ 16 መድረሰት 2ይት ደረጃት እት መዲነት ሓጋት ጅግረ ርዶዶት ጉብእ ህለ።

እት ፈርዕ ወዛረት ተዕሊም መስኡል ሸኡን ርዶዶት መምህር ሰለሙን አረፈ. እግል ኤሪን እት ሀበየ ሐብሬ፡ እትሊ እግል ዝያድ ወርሕ ወሰር ለልተላሌ ናይ ሕል ጅግረ፡ እምበል ከርከበት ወሰልዐ ብዕዳት ሙዲርዶት ሻርክ ክም ህለየ እት ለሐብር፡ መሻረከት ወመታበዐት ሰነን እግል ሊዚድ አትፋቀደ።

ሙዲር መድረሰት 2ይት ደረጃት ሓጋት መምህር ሸማይ ወልዳይ ወሙዲር መዕህድ ዐንሰበ ኡስታዝ ጃብር መሐመድ ሰዲድ እት ሀበዉ ረአይ፡ እት ፍንጌ መዳርስ ለጉብእ ጅግረ ርዶዶት፡ እት ፍንጌ ደረሰ አምር ወፈተ

ለኸልቅ በርናምጅ ሙሁም ክምቱ እት ሸርሕ፡ ለበርናምጅ ምን ሰነት እት ሰነት መናፍዑ ዘይድ ሰበት ህለ፡ ኩለን ምዲርዶት እግል ልሻርክ እቱ ትወሰው።

ሰነን መዲነት ሓጋትመ፡ ለበርናምጅ እት ዐቦት ርዶዶት ወጠነ ወበዲል መትጃግረት አግማም ተረት ክምቡ እት ሸረሒ፡ ርዶዶት እግል ትጠውር መሻረከት ሸዐብ እግል ቲዝድ ክም ወጀበ ወደሐው።

ምን ሕክም ኡስታዝ መሕሙድ እድሪሰ ህዩ፡ ለጅግረ መጥ-መጦር ድራሰት አካዲምየት ለጉብእ ክምቱ፡ ምን ክሉ ለልትዐወት ፈሪቅ ህዩ እት እብ ደረጃት አቃሊም ለጉብእ ብድረ እግል ትሻርክ ክምቱ እት ወድሕ፡ ደረሰ እግል ጅግረ እብ አክላቅያት እግል ልታብዕዉ ትወሰ።*****

10ይ ዙር ጋቦን ተ'መ

እት ዮም 16 ፌብራየር ለአንበተ ወሰማን(8) መርሐለት ለሸምል እብ 'ላ ትሮፒካሌ አሚሳ ቦንጎ' ለልትአመር 10ይ ዙር ጋቦን 2015፡ ዮም 22 ፌብራየር እብ ዐውቱ ነፈር ናዲ ሰካይ-ዳይቭ ዱባይ ወድ ቱንስ ራፋ ቸቲዋ ተ'መ።

እሊ 127 ኪሎ ምትር ለገልበበት እት መዲነት ሊበርቪል ለገአት 8ይት ወናይ ደንገበ መርሐለት ወድ ኤርትራየ ነፈር ናዲ ጀርመን 'ባይክ ኤይድ' መኽሰብ ደበሳይ 6ይ ፈግር እት ህለ፡ አንፋር ፈሪቅ ወጠኒ ኤሪትራየ ተሰፎም ዑቅማማርያም 11ይ፡ ኤልያስ አፍወርቂ 16ይ፡ መርሃዊ ጎይቶአም 23ይ ወመትክል እዮብ 34ይት ደረጃት እንዴ ጸብጠው ብድራሆም አትመመው።

እትሊ ዝያድ 15 ወጠንያይ ፋረቅ ወአንድየት ለሻረከው እቱ ወሐድ ሳምን ለአተላለ

ጅግረ፡ እብ አሜጽ ናይ ኩሉ መራሕል አንፋር ፈሪቅ ወጠኒ ብድረ ዐጀላት ኤርትራየ ኤልያስ አፍወርቂ 10ይ፡ ተሰፎም ዑቅማማርያም 17ይ፡ መርሃዊ ጎይቶአም 32ይ፡ መትክል እዮብ ህዩ 36ይ ደረጃት ጸብጦ እት ህለው፡ ኤሪትራየ ነፈር ናዲ ጀርመን 'ባይክ ኤይድ' መኽሰብ ደበሳይ ህዩ 18ይ ደረጃት ክም ጸብጠ፡ ሸበከት ሐብሬ ናይለ ጅግረ አትአመረት።

ናይ 2.1 ደረጃት ለቡ 10ይ ዙር ጋቦን 2015፡ እት 8 መርሐለት 946.5 ኪሎ ምትር ለገልብበ እት ጉብእ፡ 8.75 ኪሎ ምትር ምን እሊ ናይ ፈሪቅ ናይ ወቅት ብድራ (ክርኖሜተር) ቱ።

ዕዉት 9ይ ዙር ጋቦን 2014፡ ነፈር ወጠንያይ ፈሪቅ ኤሪትራየ መትባድራይ ናትናኤል ብርሃኔ ቱ ለዐለ።***




ፕሪመርሊግ 2014/2015

ደ/ት	ፈሪቅ	ጎል	ንቅጠት
1ይ	ቼልሲ	34	60
2ይ	ማን/ሲቲ	31	55
3ይ	አርሰናል	20	48
4ይ	ማንዩናይትድ	18	47
5ይ	ሳውዝምቶን	21	46
6ይ	ቶተንሃም	5	43
7ይ	ሊቨርፑል	7	42
8ይ	ዌስትሃም	8	38
9ይ	ስዋንሲ	-4	37
10	ስቶክ	-4	36
11	ኒዩውካሰል	-11	32
12	ኢቨርቶን	-4	27
13	ክሪስታልፓላስ	-9	27
14	ዌስትብሮም	-10	27
15	ሃል-ሲቲ	-10	26
16	ሳንደርላንድ	-14	25
17	ኪዬው/ፒ/ኦር	-18	22
18	ባርኒለይ	-19	22
19	ኦስቶንሺሊ	-23	22
20	ሊሰስተር	-18	17

ሐብሬ ትልህየ

ሻምፕዮንሰሊግ
አረቡዕ 25/02/2015
አርሰናል ወምናኮ 10:45
ባ ዩ ር ሊ ሸ ር ኩ ሰ ነ
ወአትሌቲኮማድሪድ 10:45
ፕሪመርሊግ
ሰንበት ንኢሽ 28/02/2015
ዌስትሃም ወክሪስታልፓላስ
3:45
ባርንሊይ ወሰዋንሲ 6:00
ማን/ዩናይትድ ወሳንደርላንድ
6:00
ኒዩውካሰል ወአስቶንሺሊ 6:00
ዌስትብሮም ወዌስትሃም 6:00
ሰንበት ዐባይ 01/3/2015
ሊቨርፑል ወማን/ዩናይትድ
3:00
አርሰናል ወኤቨርቶን 5:05

ላሊግ
ሰንበት ንኢሽ 28/02/2015
ግራናደ ወበርሰሎን 6:00
አልሚርየ ወሴቫንቱ



ጀበነት ወኣፋተ!



እት ምጅተመዕ ኤረትርየ እብ ዓመት ወምጅተመዕ መትሃግየይ ሂገ ትግራይት እብ ፍንቲት ም'ነ እግል ሕሹም ጋሻዩ ለልትናወሉ ሕራቡ ወእሕትራሙ ለልሓብር ሓጃት ሐቲ ጀበነት ተ።

ጀበነት እት ክል መናሰበት ወእብ ፍንቲይ ጋሻይ ዐድ ዶል ገንግእ፡ አሰእኑ እንዴ የሐርጥ ለትዳሌ እግሉ ሳልፈይ ሕራብ እሕትራም ሰበት ተ፡ መትሐድረት ጋሽ እንዴ

ተውሀው(ሸፍገው) ቡን ለአዳሉ እግሉ። ግራሃ ህዩ ነብረ ትትህየቡ ወሰኒ ልትሐረብ።

ቡን አሀምየተ አክልአየ ዐባይ ክምሰል ተ እት ርሽመት ሕራብ ሕሹም ጋሻይ ወበዐል -ገጽ እት ገብእ ወትትቀደም ሐቀለ ትርእየ ትትአከድ ወትትየቀን ምነ።ሰበት እሊ ህዩ፡ ጀበነት እንዴ ተዐደ እግል ሕሹም ወበዐል ገጽ ላቱ ጋሻይ ለገብእ ሕራም ክም የሀለ ተአምር።

ምናተ ጀበነት አፋተ ብዙሕ ቱ፡ ዎሮት ምን ጠዕመተ ወለዘተ እት ፍንጌ ሴትያየ ወሼቅያየ እንዴ አተ ለዘተ እግል ለአብዴ ወኬፋተ እግል ልሰበር ወለኣኬ ለክድም ጨንጫይቱ።

ጨንጫይ እት ረአሰለ

ፍጃን እት ልትከሬ ወልተርቀሽ፡ ዌድያየ ወሴትያየ ሰስ እግል ሊቦሉ ወለአትዕቦም ሰበት ለአነብት፡ እደዮም ወፍክሮም እት ለሀንክል ወለአትዕብ ድግም ወኬፋት ከልአም ዐለ።



እምበል እሊመ ዕሳስ አጨብል ወርሰሐት እንዴ ጸረ እተ ፍጃን ክም ልትከሬ ወዴ ሰበት ዐለ፡ እሊመ ለካልኣይ አፈት




ቡን ነብረ።

ምናተ ዮም እሊ ለትሀደገ ለትባልሕ መናሰበት ሰበት ርኤኮ ሰኒ ፈርሐኮ፡ እት ባርንቱ ቱ፡ ሐቲ እብለ ምሽክለት እለ ለአግረሰት እም ምን እሊ አፋት እሊ ለትባልሕ ክጠት ጠወረት። ለክጠት አፍለ ፍጃን ለትደብእ ንኢሽ ወግሩም ሸክል መሸረፈት ለጸብጠ መድብኢ አዳሌት እግሉ። እብሊ ህዩ አክለ በዐ'ለ ፍጃን ፍጃኑ ሰተ፡ አሰክ ጀበነቱ ትፈልሕ እሉ፡እሊ ንኢሻይ ሰፍእ እንዴ ገፍተአው እተ የም ህጅኮም ገብኦ።

ለፍክረት ግርምተ፡ ላኪን ለገብእ መድብኢ ፍጃን ግርመት ለቡ ወለ ልሰሕብ ገብኦ ምንገብእ ራሐት ደሚር ለሀይብ ወረይሕ።

እሊ ሸቅል እሊ፡ እት ባርንቱ ለአንበተ ምንግቱ፡ እንዴ ትለመደ እት ክለ ዐድነ እግል ለአሰሐብብ ሰአየት ትገብእ እቱ። ሸክሉ ላኪን እህትማም ለልሐዜቱ። ሕሽመት ወከባረትለ ቡን እት ወግም ለአተ፡ እብሊ ህዩ እግ'ለ ለሸርሕ ሸክል እቡ ምን ልትዳሌ ህዩ ዝያድ ግርመት ወወሰከ ዐለ።

ምን ክታብ ጃህ



ብዕድ እብ ክሰሰ ስሜት ሕበር-ወውዳ'ይ ንትሃጌ እት ሀሌ'ነ እግል ነኣንተብህ ዲቡ ለወጅ'ብ ጋር ሀለ'።
መሰል፡-
ለሰበ' ህዳይ ዔረው (ጊጊት)
ለሰበ' ህዳይ ዔረ። (ራትዐት)
ሸዑብ አረትርየ እግል ፊራሮ
ዐማር ተዐንደቀው። (ጊጊት)
ሸዑብ አረትርየ እግል ፊራሮ
ዐማር ተዐንደቀ። (ራትዐት)
ከረም ዮም-ዓመት ሰበ'ት ቀዝረት ለግረህ በቅለው። (ጊጊት)
ከረም ዮም -ዓመት ሰበ'ት ቀዝረት ለግረህ በቅለ።(ራትዐት)
ዕልብ ወብዘ'ሕ ንትነፈ'ዕ እት ሀሌ'ናመ፡ አሰር ዕልብ ለትመጽ'እ ስሜት ኢትበዜ'ሕ።

መሰል፡-
“ዲበ' እምትሓን ዮም-ዓመት አርበዕ አዋልድ ሐልፈዮ” ሕኔት እንብል፡ አርበዕ ወለት ሐልፈዮ እግል ኒበል ወጅ'ብ።

እብ ዓመ'ት ዲብ ትግራይት ክልኦት ብዘ'ሕ ምስል ኢልትሰመው። ዲብ ህግየ ጥል'ቅት አዳ'ም ልትነፈ'ዕ እቡ' ገብ'እ። እት ትግራይት ዕግ'ል ላተ፡ዕልብ ሐቆ በዝሐ ስሜት ፈርድ ትገብ'እ።

ምን ገጽ 67 ለትሸንከራቱ።

ሆን ኮንግ ዒን ሰያሐት እዲነ

ለበዝሐየ ድወል ዐለም እብ ገበይ ሰያሐት ምን ቤጽሐት ለጃቅፋህ ሰላዲ ዐደደ ብዝሕት ተ፡ እሊ ሰበት ገብኣቱ እግል እሊ እተይ እሊ እት ወግም እንዴ አተዩ፡ “ሰያሐት መሳንዕ እተይ ተናን ለአለቡቱ” እት ልብለ ሳምያተ ለህለዩ።



እሊ እት ወግም እንዴ አቱት ሸበኮት ሐብሬ ዩሮ ሞኒቶርን ኢንተርናሽናል እብ ክሰሰ ቤጽሐት እብ ብዝሐ ለመጻገን መዳይን ዐለም ክእነ ካትበት ህሌት።

ም'ነ ህለየ መዳይን እዲነ እብ ቤጽሐት እንዴ ተሐረየ ለልትወረደ ድወል፡ ምነ ተሐረየ 100 ደውለት እት ሰነት 2013 ሆን ኮንግ ሲጋፖር ወገንክ ለሳልፋየት ሰለስ እንዴ ገብኣየ ስሙያት ዐለዩ።

ክምሰለ ልትአመር ደዓም ለሀ ቀዳሚትመ በህለት ሰነት 2012 እለን መዳይን እለን እተ ሳልፋየት ሰለል ሰጁላት ክም ዐለየ ልትወደሕ።

ለድራሰት ክምሰል ወደሐቱ፡ ምን መዳይን አርበ ምነ ዝያድ ልትበጸሕ መዳይን ለንደን ለትወቀለ ንቅጠት ለረክበት መዲነት ክም ዐላመ ትአመረ።

እብ አሰስ እሊ ለንደን እት ሰነት 2013 16.7 መልዮን ቤጽሐት ባጽሓመ ክም ዐለው ትወደሕ።

ለበዝሐው እት ዝያረት ለልትሐሰሮ ቤጽሐት ውላድ ቻይነ ወሩሰየ እት ገብኦ፡ ውላድ አሚሪካመ እግሎም እንዴ ተለው ለልትዛወሮ ቶም።

ሕነ ህዩ እት ሰያሐት ቀበት ዐድ ለህለ እግልነ ፈሀም ከፎ መሰል ምስል ርሕነ እንዴ ትጋሚነ እት ሰያሐት ቀበት ዐድነ ዶርነ እግል ንቀድም ብነ።